

გაზეთი ბეჭდის, „ვერსიას“ ერთი

ვერსია



№44 (1634) 9 – 15 ნოემბერი ოთხშაბათი 2022 წელი

1 ლარი

ყოველკვირეული საზოგადოებრივ-პოლიტიკური გაზეთი www.versia.ge

სისხლიანი 7 ნოემბერი ანუ წარსული, რომლის არ უნდა დავივიწყოთ



გამთიყვნეს თუ არა ნაციონალებმა მშვიდობიანი მომიტინგეების წინააღმდეგ ფსიქოტრონული იარაღი

ირაკლი ღარიბაშვილის საერთაშორისო ვიზიტები – ახალი შესაძლებლობები საქართველოსთვის



ამირან სალუქვაძე:
„საქართველოს სატრანზიტო შესაძლებლობები ახალ ეტაპზე გადადის, რაც ჩვენი ქვეყნის სახელმწიფოებრივ მნიშვნელობას კიდევ უფრო გაზრდის“



რა მიზნით იქმნება ვაშაძე-ჭაფარიძე-ხოშტარიას „ტრიოკა“



„ქვეყანა უნდა გადავარჩინოთ“ – ინტერვიუ პაატა მანჯგალაძესთან

ვახტანგ ძაბირაძე: „ოპოზიცია აღმოჩნდება თამაშბარე მდგომარეობაში“



2023 წლამდე გადავადებული ევროპული პერსპექტივა და 12-პუნქტიანი გეგმის შესრულების პერიპეტეიები



ირაკლი ღარიბაშვილის საერთაშორისო ვიზიტები – ახალი შესაძლებლობები საქართველოსთვის



ამირან სალუქვაძე: „საქართველოს სატრანზიტო შესაძლებლობები ახალ ეტაპზე გადადის, რაც ჩვენი ქვეყნის სახელმწიფოებრივ მნიშვნელობას კიდევ უფრო გაზრდის“

მაკა რუხაძე

პირველად, უკანასკნელი 30 წლის განმავლობაში, აზერბაიჯანის პრეზიდენტმა თბილისში ვიზიტის დროს განაცხადა, რომ მთიანი ყარაბაღის კონფლიქტის მოგვარებას სჭირდება სომხეთსა და აზერბაიჯანს შორის სამშვიდობო შეთანხმების ხელმოწერა; პირველად, უნგრეთის პრემიერ-მინისტრმა ხაზგასმით განაცხადა, რომ სჭირდება აზერბაიჯანული გაზი, ოღონდ საქართველოსა და რუმინეთის გავლით... თუმცა მანამდე იყო ძალიან მნიშვნელოვანი ოფიციალური ვიზიტი გერმანიის ფედერაციულ რესპუბლიკაში – ბერლინში, საქართველოს პრემიერ-მინისტრმა ირაკლი ღარიბაშვილმა და გერმანიის ფედერაციული რესპუბლიკის კანცლერმა ოლაფ შოლცმა განიხილეს საქართველო-გერმანიის მჭიდრო პარტნიორობა, რეგიონში არსებული უსაფრთხოების გარემო, საქართველოსთვის მინიჭებული ევროპული პერსპექტივა და ორ ქვეყანას შორის არსებული სავაჭრო-ეკონომიკური ურთიერთობები, საუბარი იყო რეგიონულ და გლობალურ გამოწვევებზე, რუსეთის სამხედრო აგრესიაზე უკრაინის წინააღმდეგ. კიდევ ერთხელ აღინიშნა საერთაშორისო თანამეგობრობის ძალისხმევის მნიშვნელობა ვითარების დეესკალაციისა და მშვიდობის უზრუნველსაყოფად.

საქართველოს პრემიერ-მინისტრმა ყურადღება გაამახვილა რუსეთის მხრიდან საქართველოს ტერიტორიების ოკუპაციაზე, 2008 წლის სამხედრო აგრესიასა და იმ უკანონო ქმედებებზე, რომლებსაც ადგილი აქვს რუსეთის ფედერაციის მხრიდან, რაც კიდევ უფრო მოწყვლადს ხდის ადგილზე უსაფრთხოების გარემოს. ამ ფონზე აღინიშნა გერმანიის მხარდაჭერის განსაკუთრებული მნიშვნელობა, როგორც საქართველოს სუვერენიტეტისა და ტერიტორიული მთლიანობის, ისე რუსეთ-საქართველოს კონფლიქტის მშვიდობიანი მოგვარების პროცესში. ხაზი გაესვა გერმანიის გამორჩეულ წვლილს ევროკავშირის მონიტორინგის მისიაში საქართველოში.

შეხვედრაზე მხარეებმა ასევე ისაუბრეს საქართველოსთვის ევროპული პერსპექტივის მინიჭების შესახებ ევროპული საბჭოს გადაწყვეტილებასა და მის მნიშვნელობაზე. ირაკლი ღარიბაშვილმა გერმანელ კოლეგას მაძღობა გადაუხადა როგორც ამ ისტორიული გადაწყვეტილების, ისე ევროინტეგრაციის პროცესში გერმანიის მიერ საქართველოს პოლიტიკური და პრაქტიკული მხარდაჭერისთვის. რეგიონსა და მსოფლიოში არსებული გამოწვევების ფონზე, განსაკუთრებული ყურადღება გამახვილდა საქართველოსა და ასოცირებული ტრიოს ქვეყნების მხარდაჭერაზე დასავლელი პარტნიორების მხრიდან.

საქართველოს პრემიერ-მინისტრმა ხაზი გაუსვა ევროპული პერსპექტივის და ევროკავშირში ინტეგრაციის პროცესის განსაკუთრებულ დატვირთვას და მნიშვნელობას საქართველოსთვის და აღნიშნა, რომ ქვეყანა ამ პროცესს დიდი პასუხისმგებლობით უდგება.

ასევე ხაზი გაესვა საქართველოს მნიშვნელოვან როლს რეგიონული უსაფრთხოების უზრუნველყოფის პროცესში, რაც განსაკუთრებით მნიშვნელოვანია რეგიონის მდგრადი და სტაბილური განვითარებისათვის. აზერბაიჯანის რესპუბლიკასა და სომხეთს შორის შეიარაღებული დაპირისპირების ფონზე, კიდევ ერთხელ ხაზი გაესვა საქართველოს წარმატებულ მედი-

აციას და პრემიერ-მინისტრის სამხრეთ კავკასიის სამშვიდობო ინიციატივის განსაკუთრებულ მნიშვნელობას. შეხვედრაზე კიდევ ერთხელ გამოიხატა მაღლიერება ევროატლანტიკური უსაფრთხოების უზრუნველყოფაში საქართველოს წვლილის გამო და ხაზი გაესვა ამ პროცესში განსაკუთრებით წარმატებულ თანამშრომლობას გერმანულ მხარესთან ალიანსის სამშვიდობო მისიებში.

ესაა მცირე ჩამონათვალი იმ მნიშვნელოვანი განცხადებებიდან, რომლებიც საქართველოს პრემიერ-მინისტრის, ირაკლი ღარიბაშვილის ბოლოდროინდელი ვიზიტების ფარგლებში გაკეთდა. ნიუ-იორკში, გაეროს სამიტზე ჯერ თურქეთის რესპუბლიკის პრეზიდენტს რეჯებ თაიფ ერდოღანს შეხვდა, შემდეგ კი სომხეთის პრემიერ-მინისტრს ნიკოლ ფაშინიანს, ამის შემდეგ თბილისში აზერბაიჯანის პრეზიდენტი ჩამოვიდა, რასაც მისი ვიზიტი მოჰყვა ჯერ უნგრეთში, მოგვიანებით – არაბეთის გაერთიანებულ საემიროებში. **ამჟამად, რომ ირაკლი ღარიბაშვილის საგარეო კურსი სრულიად ახალ პოლიტიკონომიკურ შესაძლებლობებს, გნებავთ, გამოწვევებს უქმნის საქართველოს, რასაც ექსპერტთან სამხედრო-პოლიტიკურ და უსაფრთხოების საკითხებში, ამირან სალუქვაძესთან ერთად ვაფასებთ.**

ოქტომბრის დასაწყისში, საქართველოს პრემიერ-მინისტრი, ირაკლი ღარიბაშვილი ნიუ-იორკში, გაეროს 77-ე გენერალური ასამბლეის ფარგლებში, სომხეთის რესპუბლიკის პრემიერ-მინისტრ ნიკოლ ფაშინიანს შეხვდა. პრემიერებმა აღნიშნეს, რომ საქართველო-სომხეთს შორის არსებული ურთიერთობები დინამიურად ვითარდება, რაც სამომავლო თანამშრომლობის კიდევ უფრო გაფართოების კარგი საფუძველია. ირაკლი ღარიბაშვილმა და ნიკოლ ფაშინიანმა სამხრეთ კავკასიაში არსებული ვითარება მიმოიხილეს. ხაზი გაუსვეს კონფლიქტების მშვიდობიანი გზით მოგვარების მნიშვნელობას. ირაკლი ღარიბაშვილმა გამოთქვა მზადყოფნა, კვლავაც შეასრულოს მედიატორის როლი და ხელი შეუწყოს რეგიონში და მის ფარგლებს გარეთ მშვიდობისა და სტაბილურობის უზრუნველყოფას.

საქართველოსა და თურქეთის რესპუბლიკას შორის არსებული სტრატეგიული პარტნიორობა, სავაჭრო-ეკონომიკური ურთიერთობა და მსოფლიოსა და კავკასიის რეგიონში არსებული უსაფრთხოების გარემო იყო საქართველოს პრემიერ-მინისტრის ირაკლი ღარიბაშვილისა და თურქეთის რესპუბლიკის პრეზიდენტის რეჯებ თაიფ ერდოღანის შეხვედრის მთავარი განსახილველი საკითხები.

ნიუ-იორკში, გაეროს გენერალური ასამბლეის ფარგლებში, გამართულ შეხვედრაზე ხაზი გაესვა ორი ქვეყნის მჭიდრო მეგობრული და პარტნიორული ურთიერთობების მნიშვნელობას. აღინიშნა ბოლო წლებში ორი ქვეყნის სტრატეგიული პარტნიორობის მნიშვნელოვანი შედეგები, მაღალი დონის ორმხრივი ურთიერთობების პოლიტიკური დინამიკა და რეგიონულ-გეოსტრატეგიული ხასიათის პროექტებში საქართველოსა და თურქეთის რესპუბლიკის ჩართულობა და აქტიური თანამშრომლობა.

განსახილველ საკითხებს შორის იყო უკრაინაში მიმდინარე ომი და, შედეგად, მსოფლიოსა და რეგიონში არსებული რთული უსაფრთხოების ვითარება. ხაზი გაესვა რეგიონის შემდგომი განვითარებისა და გრძელვადიანი კეთილდღეობის უზრუნველ-

საყოფად მშვიდობისა და სტაბილურობის მნიშვნელობას. ამ კონტექსტში, აღინიშნა ირაკლი ღარიბაშვილის შუამავლობით აზერბაიჯანსა და სომხეთს შორის გასულ წელს მიღწეული შეთანხმება, რომლის შედეგადაც აზერბაიჯანმა სომეხი ტყვეები გაათავისუფლა, სომხეთმა კი, აზერბაიჯანს მნიშვნელოვანი რუკები გადასცა.

აღინიშნა, რომ საქართველოსა და თურქეთის რესპუბლიკას შორის არსებული ეფექტიანი თანამშრომლობის ყველა მიმართულებით კიდევ უფრო განვითარება მნიშვნელოვანია ასევე რეგიონის სტაბილური და მდგრადი განვითარებისთვის.

ამის შემდეგ, საქართველოს სამუშაო ვიზიტით აზერბაიჯანის რესპუბლიკის პრეზიდენტი, ილჰამ ალიევი ეწვია. ვიზიტის ფარგლებში გამართულ პირისპირ შეხვედრაზე, მხარეებმა ხაზი გაუსვეს საქართველო-აზერბაიჯანს შორის არსებულ განსაკუთრებულ მეგობრულ ურთიერთობებსა და სტრატეგიულ პარტნიორობას. სწორედ თბილისში ვიზიტის დროს განაცხადა ილჰამ ალიევმა, რომ სომხეთის თანხმობის შემთხვევაში, მზადაა, სამშვიდობო ხელშეკრულებას მოაწეროს ხელი:

„რეგიონში მიმდინარე მოვლენები და უსაფრთხოების საკითხები ჩვენი დისკუსიების ცენტრშია მოქცეული. ყარაბაღის მეორე ომის შემდეგ, ახალი მდგომარეობა ჩამოყალიბდა და საქართველოს პრემიერ-მინისტრს ვაცნობე მიმდინარე სამშვიდობო მოლაპარაკებების შესახებ აზერბაიჯანსა და სომხეთს შორის. მიგვაჩნია, რომ ამ კონფლიქტის მოგვარებას სჭირდება აზერბაიჯანსა და სომხეთს შორის სამშვიდობო შეთანხმების ხელმოწერა. ხუთი ძირითადი პრინციპი უკვე გაფუზიარეთ სომხეთს, იმედი გვაქვს, რომ სომხეთი პოლიტიკურ ნებას გამოიჩინებს და დაინებებს სამშვიდობო მოლაპარაკებებს, რათა ხელი მოაწეროს სამშვიდობო შეთანხმებას აზერბაიჯანთან. თუ ასე მოხდება, მაშინ სამხრეთ კავკასიაში დაისადგურებს მშვიდობა და ახალი შესაძლებლობები იქნება თანამშრომლობისთვის.“

დღეს გვაქვს საშუალება, რომ კონსულტაციები გავმართოთ აზერბაიჯანს, სომხეთსა და საქართველოს შორის. თუ სომხეთი მზად იქნება, მზად ვიქნებით, დღესვე დავიწყეთ ეს ფორმატი. რაც შეეხება ორმხრივ შეთანხმებასა და ფორმატს საქართველოსთან, გვინახია, რომ სავაჭრო ბრუნვა იზრდება – ბოლო ცხრა თვის განმავლობაში, გადავცდით 1 მილიარდი დოლარის ბრუნვას. აზერბაიჯანს 3 მილიარდი დოლარი აქვს ინვესტირებული საქართველოში და მიგვაჩნია, რომ ეს იქნება ორმხრივი სარგებლის მომტანი ინვესტიციები. რა თქმა უნდა, ჩვენ ვისაუბრეთ სამომავლო ენერგეტიკულ პოლიტიკაზე, გავცვალეთ მოსაზრებები იმ პროექტების თაობაზე, რომლებიც განხორციელებული გვაქვს. საოპერაციო კუთხით ძალიან წარმატებულია ეს პროექტები და მოუთმენლად ველით ახალი პროექტების დაწყებას, რათა გაიზარდოს ბუნებრივი აირის ექსპორტი საერთაშორისო ბაზრებზე. ვაპირებთ, 22 მილიონი კუბური ტონის ექსპორტს, რასაც კიდევ უფრო გავზრდით მომდევნო წლებში.

წელს ხელი მოვანერეთ ურთიერთგაგების მემორანდუმს აზერბაიჯანსა და ევროკომისიას შორის და მომდევნო ხუთი წლის განმავლობაში, აზერბაიჯანი აპირებს, გააორმაგოს ბუნებრივი აირის ექსპორტი ევროპის მიმართულებით. ჩვენ გვაქვს ამის საშუალება და 2027 წლისთვის, გვეგვათ, ევრო-

ირაკლი ღარიბაშვილის საერთაშორისო ვიზიტები – ახალი შესაძლებლობები საქართველოსთვის



პაში ექსპორტზე გავიჯანთოთ თითქმის 20 მილიარდი კუბური ტონა ბუნებრივი აირი. ბუნებრივია, ეს საკითხი განვიხილეთ საქართველოს პრემიერ-მინისტრთან. ამასობაში, ბაქო-თბილისი-ჯეიჰანის მილსადენი გაზრდის ექსპორტს და კიდევ უფრო დაიტივრება. გვინდა გამოვიყენოთ ბაქო-სუფსის ტერმინალი, ვიცი, რომ ის არ არის ამჟამად მოქმედი, მაგრამ გვინდა, ეს მიმართულება დავტივროთ. ახალი პროექტები ითვალისწინებს ელექტროენერჯის სფეროში ინიციატივების განხორციელებას. აზერბაიჯანი აპირებს, ექსპორტზე გაიტანოს ელექტროენერჯია საერთაშორისო ბაზრებზე და, რა თქმა უნდა, ჩვენი მარშრუტი აუცილებლად გაივლის საქართველოს“, – განაცხადა ილჰამ ალიევმა.

ღარიბაშვილი-ფაშინიანის შეხვედრას, ალიევის თბილისში ვიზიტსა და მის უპრეცედენტო განცხადებებს ამირან სალუქვაძე აფასებს და აცხადებს, რომ პოლიტიკა და ეკონომიკა მჭიდროდა დაკავშირებული ერთმანეთთან. მისი თქმით, არა თუ მსგავსი შემთხვევა არ ყოფილა, ბოლო 30 წლის მანძილზე, მცდელობაც კი არ გვექონია, რომ ჩვენი ქვეყნის პრეზიდენტებს ან პრემიერებს ამ მიმართულებით ნაბიჯები გადაეგდათ:

„ილჰამ ალიევის განცხადება ბევრ რამეზე მეტყველებს, პირველ რიგში, გეოპოლიტიკური ვითარების ცვლილებაზე და ამ პროცესებში საქართველოს სწორ პოზიციონირებაზე. თუმცა, მეორე მხრივ, არ უნდა გამოვრიცხოთ პირადი ურთიერთობები და ნდობა, რაც ძალიან მნიშვნელოვანია პოლიტიკაში. სხვაგვარად, შეუძლებელია, მსგავსი მედიაცია, მსგავსი სამშვიდობო ინიციატივების წარმატებით განხორციელება. რომ არა მაღალი ნდობა პრეზიდენტ ალიევსა და პრემიერ ღარიბაშვილს შორის, გნებავთ, პრემიერ ღარიბაშვილსა და პრემიერ ფაშინიანს შორის, რა თქმა უნდა, ეს კომუნიკაციები არ შედეგობდა.“

ცოტა ხნის წინ, ევროკომისიის პრეზიდენტი, ურსულა ფონ დერ ლაინენ ბაქოში იმყოფებოდა, უკრაინისა და ევროპის ენერჯორიზის ფონზე. რა თქმა უნდა, ეს ვიზიტი ეხებოდა აზერბაიჯანული და აზიის ენერჯორმატარებლების მიწოდებას ევროპისთვის. გასაგებია, რომ ეს ტრანზიტი საქართველოზეც გადის და დაინტერესებულნი ვართ. როდესაც ილჰამ ალიევი ბაქოდან, ბრიუსელიდან და სხვა დედაქალაქიდან კი არა, თბილისიდან ახმოვანებს ინიციატივას, რომ ევროპაში გაზის ექსპორტს საქართველოს გავლით აპირებს, ეს განცხადება ორ სახელმწიფოსა და ორ ლიდერს შორის ნდობის მაღალ ხარისხზე მეტყველებს, ასევე, ჩვენს სწორ პოლიტიკაზე, სწორ პოზიციონირებასა და ჩვენი ქვეყნის როლზე ამ პროცესში“.

მაშინ, როდესაც ევროპის შუაგულში, უკრაინაში სასტიკი ომი მიმდინარეობს, ილჰამ ალიევი თბილისში საუბრობს, რომ სამშვიდობო პოლიტიკა რეგიონში მნიშვნელოვანი ენერჯეტიკული და ეკონომიკური პროექტებით უნდა გამოყარდეს. „ვერსის“ კითხვაზე, რა ახალი შესაძლებლობები უჩნდება ჩვენს ქვეყანას, ამირან სალუქვაძე აცხადებს:

„მე ვახსენებ ურსულა ფონ დერ ლაინენს ბაქოში ვიზიტი და პირველ რიგში, აქ აღსანიშნავია ის, რომ ბაქო ხდება მნიშვნელოვანი პარტნიორი ევროპისთვის. ჩვენი ქვეყნის კურსიდან და პოლიტიკიდან გამომდინარე, რომ ვისწრაფვით საქართველოს ევროატლანტიკური ინტეგრაციისკენ, აქტიურდება ახალი ხაზი, ბაქო-თბილისი-ბრიუსელის სახით, რაც ძალიან მნიშვნელოვანია. ცოტა ხნის წინ, ევროსაბჭოს პრეზიდენტი, შარლ მიშელი იმყოფებოდა ცენტრალურ აზიაში – ასტანაში გაიმართა ევროკავშირი-ცენტრალური აზიის სამიტი, მანამდე იყო რუსეთი-ცენტრალური აზიის სამიტი, ჩინეთი-ცენტრალური აზიის სამიტი, ამერიკა-ცენტრალური აზიის სამიტი...“

აქ საუბარია ცენტრალური აზიის ანუ ხუთი პოსტსაბჭოთა ქვეყნის მნიშვნელობაზე, განსაკუთრებით, ენერჯორმატარებლების მხრივ. ამ შემთხვევაში, არა მხოლოდ აზერბაიჯანის ენერჯორესურსები იგულისხმება, არამედ – აზიის და რა თქმა უნდა, ყველაფერი ეს გაივლის აზერბაიჯანი-საქართველოს ტერიტორიებს. ეს ძალიან მსხვილი ენერჯორექტებია, რასაც გარკვეული რისკებიც ახლავს, რადგან რუსეთის ინტერესებში არ შედის. თუმცა, ერთად დგომით, როგორც აზერბაიჯანთან და სომხეთთან, ასევე, ევროკავშირთან და ჩვენს სტრატეგიულ პარტნიორთან – აშშ-თან ერთად, საქართველოს სატრანზიტო შესაძლებლობები ახალ ეტაპზე გადადის, რაც ჩვენი ქვეყნის სახელმწიფოებრივ მნიშვნელობას კიდევ უფრო გაზრდის, როგორც რეგიონში, ასევე, ჩვენი პარტნიორებშიც.

ხაზი უნდა გავუსვათ ერთ დეტალსაც – ბევრს საუბრობენ ჩრდილოეთ სამხრეთის დერეფანზე და სომხეთის გავლით ამ დერეფნის გახსნაზე, ამიტომ როცა სამშვიდობო შეთანხმებაზე საუბრობს ალიევი, რა თქმა უნდა, გულისხმობს ჩრდილო-სამხრეთის დერეფანს. როდესაც ამ ჭრილში აცხადებს, რომ აზერბაიჯანის მთელი ენერჯორესურსები აუცილებლად გაივლის საქართველოზე, ეს ძალიან მნიშვნელოვანია. ამ პროცესის გაგრძელება იყო პრემიერის ვიზიტი უნგრეთში და უნგრეთის პრემიერ-მინისტრის სურვილი, რომ მთელი ეს ენერჯორესურსები, აზერბაიჯანმა საქართველოს გავლით მიანდოს უნგრეთს, რაც პრემიერ-მინისტრის დიპლომატიური აქტივობების ლოგიკური ჯაჭვი გახლავთ“.

ილჰამ ალიევის თბილისში სტუმრობის ლოგიკური გაგრძელება იყო ირაკლი ღარიბაშვილის ვიზიტი უნგრეთში, სადაც მის კოლეგას, ვიქტორ ორბანს შეხვდა. საქართველოსთვის ევროკავშირის კანდიდატი ქვეყნის სტატუსის მინიჭება, ქვეყნის ტერიტორიული მთლიანობა და ორ ქვეყანას შორის არსებული მრავალმხრივი ეკონომიკური თანამშრომლობა იყო ის ძირითადი საკითხები, რომლებიც საქართველოსა და უნგრეთის პრემიერ-მინისტრებმა – ირაკლი ღარიბაშვილმა და ვიქტორ ორბანმა ჯერ პირისპირ, შემდეგ – გაფართოებულ ფორმატში განიხილეს. საუბარი შეეხო ევროინტეგრაციის გზაზე საქართველოს მიერ მიღწეულ მნიშვნელოვან პროგრესს.

რაც მთავარია, ვიქტორ ორბანმა აშკარად უსაყვედურა ევროკავშირს, რადგან უკრაინისა და მოლდოვასგან განსხვავებით, ევროკავშირის კანდიდატი ქვეყნის სტატუსი არ მიანიჭა:

„კიდევ ერთი საკითხი, რომელიც განვიხილეთ, ეხება ევროკავშირის მიმართ საქართველოს სულისკვეთებას და მისი წევრობის სურვილს. ჩვენ ყველამ ვიცით, რომ ძალიან ცუდი გადაწყვეტილება იქნა მიღებული ბრიუსელში. ეს გადაწყვეტილება, ვიტყვით, რომ დისკრიმინაციული იყო, როდესაც კანდიდატის სტატუსი მიენიჭა მოლდოვასა და უკრაინას და არა საქართველოს. ეს ვერ იქნება გამართლებული ვერც მორალურად. ეს არის საზიანო გადაწყვეტილება. ჩვენი სტუმარი და მისი ქვეყანა იმსახურებს კანდიდატის სტატუსს იმიტომ, რომ ძალიან ბევრს მუშაობს, ბოლო წლებია. ეს გადაწყვეტილება საქართველოს მიმართ უპატივცემულობა იყო, ქართველი ერის, სახელმწიფოს მიმართ. რას გავაკეთებთ? – ჩვენ გავაგრძელებთ მხარდაჭერას საქართველოს მიმართ, რომ რაც შეიძლება მალე მიიღოს მან კანდიდატის სტატუსი, ევროკავშირში განვერიოდეს და ამას მოვახერხებთ ექსპერტული დახმარებით“, – განაცხადა ვიქტორ ორბანმა.

მეტიც, უნგრეთის პრემიერ-მინისტრმა პირდაპირ დაასახელა ენერჯორმარშრუტი, რომლითაც სურს, რომ აზერბაიჯანული გაზი მიიღოს. ორბანი ამბობს, რომ აზერბაიჯანული გაზის

უნგრეთში ექსპორტი, საქართველოსა და რუმინეთის გავლით უნდა განხორციელდეს. რაც შეეხება ორბანის მკაცრ ტონს, ამირან სალუქვაძის შეფასებით, უნგრეთის პრემიერი ხისტი და პირდაპირი საუბრით გამოირჩევა:

„რა თქმა უნდა, ორბანსა და ევროკავშირს შორის დაძაბული ურთიერთობებია, მაგრამ უნგრეთი ევროკავშირისა და ნატო-ს წევრი ქვეყანაა, ამიტომ მსგავსი მხარდაჭერა მნიშვნელოვანია. ერთია, როცა ხელისუფლების წარმომადგენლები საუბრობენ უსამართლობაზე, როდესაც სტატუსის მიღმა დაგვტოვეს. წლების განმავლობაში, ასოცირებული ტრიოს ლიდერი ვიყავით, გასაგებია, რაც მოხდა: ომია უკრაინაში, მოლდოვაც წინასაომარ მდგომარეობაში იმყოფება, მაგრამ ჩვენც სამი ომი გადავიტანეთ, ზოგი – დიდი, ზოგი – პატარა, თუმცა საკმაოდ დამანგრეველი საქართველოსთვის, რასაც მოჰყვა ჩვენი ორი რეგიონის ოკუპაცია. როდესაც ითვალისწინებენ ამ გარემოებებს უკრაინისა და მოლდოვასთვის, აუცილებლად უნდა გაეთვალისწინებინათ საქართველოსთვის, რადგან თავადვე აღიარებენ, თუნდაც 2008 წელს რომ ყოფილიყო სათანადო რეაგირება აგრესიის აღსაკვეთად, დღეს სხვა რეალობა გვექნებოდა. ვიქტორ ორბანის მხარდაჭერა და სიმართლის გახმოვანება მაღალი ტრიბუნიდან, ძალიან მნიშვნელოვანია. რაც მთავარია, ჩვენს მიერ გატარებული რეფორმებით, სხვადასხვა საერთაშორისო კვლევების მიხედვით, საქართველო შესაბამისობაშია ევროკავშირთან“.

უნგრეთის შემდეგ, ირაკლი ღარიბაშვილი არაბთა გაერთიანებულ საემიროებში გაემგზავრა. სამუშაო ვიზიტის ფარგლებში, საქართველოს მთავრობის მეთაურმა ორმხრივი, მაღალი დონის შეხვედრები გამართა. მხარეები მზად არიან, არსებული ნაყოფიერი თანამშრომლობა კიდევ უფრო გაღრმავდეს. ალი-ნიშნა, რომ საქართველოსა და არაბთა გაერთიანებულ საამიროებს შორის თავისუფალი ვაჭრობის რეჟიმის დამყარების მიზნით, მოლაპარაკებები აქტიურ რეჟიმში მიმდინარეობს, საქართველოში კი, არაბული ინვესტიციით არაერთი პროექტია დაფინანსებული და მისასალმებელია, რომ მათი რიცხვი მზარდია. ამირან სალუქვაძის შეფასებით, ღარიბაშვილის აბუ-დაბიში ვიზიტი საკმაოდ მნიშვნელოვანი იყო:

„აბუ-დაბიში ეკონომიკური ფორუმი ჩატარდა და ქართული დელეგაცია, ერთი მხრივ, ამ ფორუმში მონაწილეობდა, ხოლო მეორე მხრივ – ორმხრივი ურთიერთობები განამტკიცა მდიდარ სახელმწიფოსთან. ინვესტიციების მოზიდვის გარდა, არაბეთის გაერთიანებული საემიროები ენერჯორესურსებით მდიდარი ქვეყანაა. ხაზგასმით ვამბობ, ეს არ იქნება ბოლო ვიზიტი, გაგრძელდება აქტივობა. მისასალმებელია, როგორც აქტიური სამეზობლო პოლიტიკა კავკასიაში, ასევე – ახლო აღმოსავლეთში. რა თქმა უნდა, ჩვენი სტრატეგიული კურსი უცვლელია – ევროატლანტიკური ინტეგრაცია, მაგრამ მეზობელ რეგიონებთანაც აქტიური პოლიტიკა უნდა გვექონდეს და ვფიქრობ, გაგრძელდება პრემიერის ვიზიტები მომავალშიც. ჩვენ ვხედავთ გეოპოლიტიკურ და მიზანმიმართულ საგარეო აქტივობებს და მშვიდობის შენარჩუნებით, ამ პოლიტიკის შედეგებსაც მალე დავიხანავთ. გარკვეულწილად, უკვე ვხედავთ – მეორე წელია, ორნიშნა ეკონომიკური ზრდაა, „საქსტატის“ მონაცემებით, ინფლაციის შემცირება იწყება და ეს ხალხმა უნდა იგრძნოს. ბოლოს და ბოლოს, ჩვენს ქვეყანაში ხალხმა ისე უნდა დაიწყოს ცხოვრება, რომ ქვეყნიდან გასული ქართველებიც კი უკან დაბრუნდნენ, აქ უნდა შეეუქმნათ ჩვენს მოქალაქეებს ცხოვრების უკეთესი პირობები, რასაც ქვეყნის შიგნით ჯანსაღი პოლიტიკური ცხოვრება სჭირდება“.

2022 წლის 17 ივნისს, ევროკომისია გამოვიდა რეკომენდაციით, უკრაინასა და მოლდოვას კანდიდატის სტატუსი მინიჭებოდათ, საქართველოსთვის კი – მხოლოდ ევროპული პერსპექტივა. ევროპულმა საბჭომ განაცხადა, რომ საქართველოს მას შემდეგ მიენიჭება კანდიდატის სტატუსი, რაც ევროკომისიის განსაზღვრულ 12-პუნქტიან გეგმას შეასრულებს. ევროკომისიამ 12 პრიორიტეტის შესრულების ვადა, თავდაპირველად, 2022 წლის დეკემბერამდე განსაზღვრა, თუმცა შემდეგ, ამ ვადას 2023-ის ბოლომდე გადაინია ანუ საქართველოს კანდიდატის სტატუსის საკითხი მომავალი წლის დასასრულს გადაწყდება. პარლამენტში მმართველმა ჯგუფმა შექმნა სხვადასხვა სამუშაო ჯგუფი, რომელიც 12-პუნქტიანი გეგმის შესასრულებლად მუშაობს. ამ პროცესში ოპოზიციის ნაწილი მონაწილეობს, რაც შეეხება საპარლამენტო ოპოზიციის მეორე ნაწილს – აღნიშნულ საქმიანობაში არ ერთვება და აცხადებს, რომ მმართველი ძალის ზემოქმედებულ გეგმაზე მუშაობა ფორმალურაა და ხელისუფლება ევროკავშირის კანდიდატი ქვეყნის სტატუსის მოსაპოვებლად ეფექტიან გეგმას ვერ წარადგენს... „ვერსია“ ანალიტიკოს ვახტანგ ძაბირაძეს ესაუბრა:

– 12-პუნქტიანი გეგმის შესასრულებლად ვადა 2023 წლის ბოლომდე გვაქვს. „ქართული ოცნება“ რასაც ამბობს, იმას ნამდვილად გააკეთებს ანუ 12- პუნქტიან გეგმას იმ სათაურებით, რაც ევროპამ გადმოგვცა, დარწმუნებული ვარ, წარადგენს, ოღონდ შინაარსობრივად როგორი იქნება, ეს ცალკე თემაა. ვნახეთ ოლიგარქიზაციის შესახებ კანონი... შორს ვარ იმ აზრისგან, რომ სახელი და გვარი უნდა იყოს მითითებული, მაგრამ რა განცხადებებსაც მმართველ ძალაში აკეთებენ, რომ, თურმე, ეს ყველას ეხება, გარდა ივანიშვილისა, მიაწინებებს იმაზე, თუ რა ტიპის იქნება ეს კანონი. ამიტომ, მოლოდინი, რომ „ქართულ ოცნებას“ ისევე ესმის ეს თემები, როგორც ჩვენ და ევროპას, ნამდვილად არ მაქვს, მაგრამ სხვა პოლიტიკურ თამაშს თამაშობს მმართველი პარტია – ის ამ პუნქტებს შეასრულებს, წავა დასავლეთში და შემდეგ დაიწყება ვენეციის კომისიასთან მუშაობის პროცესი და ასე შენდებ, რაც გაგრძელდება მთელი წლის განმავლობაში. ესაა „ქართული ოცნების“ მიზანი, რომ მომავალი წლის დეკემბერამდე განელოს დრო და არა – პუნქტები შეასრულოს ისე, როგორც საჭიროა.

ამასთან, „ქართული ოცნების“ პროპაგანდა იქნება, რომ 12 პუნქტი შესრულდა. ამიტომ, როცა ოპოზიცია ამბობს, რომ ამას დაინუნებენ და ამისგან რაღაც პროცესის შექმნას ცდილობს, მისთვის ეს წამგებიანია, რადგან პროცესს ოპოზიცია კი არა, მმართველი პარტია შექმნის და ოპოზიცია კიდევ ერთხელ აღმოჩნდება თამაშგარე მდგომარეობაში.

– რა უნდა გააკეთოს ოპოზიციამ, რომ არ დარჩეს თამაშგარე მდგომარეობაში? ისე, ვაშაძე-ხოშტარია-ჯაფარიძის გაერთიანებას არც ენმ უერთდება და არც სხვა პარტიები..

– ეს საკმაოდ გაუგებარი გაერთიანებაა, როცა მათ ვუსმენ, ვერ ვიგებ, გაერთიანება რა შუაშია. თუ ყველაფერი ცალ-ცალკე უნდა აკეთონ, თურმე, ერთიან სიებსა და ბლოკზე ლაპარაკი არაა, მაშინ რატომ არის ეს გაერთიანება? ვუსმენდი და ვერ გავარკვიე, რა შინაარსს დებენ ამ გაერთიანებაში.

– ევროკავშირში განწევრიანებისა და 12-პუნქტიანი გეგმის სწორად შესრულების გარშემო გაერთიანდნენ, თავად ასე ხსნიან, ბატონო ვახტანგ...

– გაერთიანება ნიშნავს რაღაც ფორმას და ეს ფორმა რა არის, სამწუხაროდ, ჩემთვის გაუგებარია. როცა ამ გაერთიანების შესახებ გაუღერდა, მოჰყვა პოლიტიკური განცხადებები, ამან ცოტა გამოაცოცხლა პოლიტიკური პროცესი, ოღონდ, ისეთი შთაბეჭდილება დამრჩა, რომ ბოლომდე გაცნობიერებული არავის არაფერი აქვს. უბრალოდ, ისროლეს რაღაც ლოზუნგი და ახლა იწყებენ შინაარსის ძებნას.

ვახტანგ ძაბირაძე: „ოპოზიცია აღმოჩნდება თამაშგარე მდგომარეობაში“



2023 წლამდე გადავადებული ევროპული პერსპექტივა და 12-პუნქტიანი გეგმის შესრულების პერსპექტივი

ნაციონალური მოძრაობისთვის გაერთიანება რომ მიუღებელია, სრულიად გასაგებია. ენმ-ს ჰყავს თავის ამომრჩეველი, არის მეორე პარტია ქვეყანაში და პირველი ოპოზიციური პოლიტიკური ძალა, წვრილ პარტიებთან გაერთიანება მას არაფერს მოუტანს.

როცა ლაპარაკია სამოქმედო გეგმაზე, გაერთიანება მესმის ასე – წვრილმა პარტიებმა უნდა მოძებნონ ერთმანეთთან სალაპარაკო ენა, ოღონდ, მხოლოდ ასეთი მექანიკური შეერთება საკმარისი არაა, ამას გარკვეული პროცესი უნდა მოჰყვეს.

არ არის სწორი მოსაზრება, რომ დიდი გაერთიანება მოუგებს „ქართულ ოცნებას“, ელექტორატის მიხედვით უნდა შეაფასო რეალობა. თუ ასეთ ელემენტარულ რეალობას ვერ აანალიზებს ოპოზიცია, მაშინ როგორ უნდა დავიჯერო, რომ ამ ურთულესი მდგომარეობიდან გამოიყვანს ქვეყანას?! არჩევნებით, გამოკითხვებით ცალსახად ჩანს, რომ ელექტორატი სამ კატეგორიად იყოფა: „ქართული ოცნების“ მომხრეები, ნაციონალური მოძრაობის მომხრეები და მესამე კატეგორია, რომელსაც არც ერთი მოსწონს და არც – მეორე. თუ ეს იციან, ხომ უნდა შეარჩიონ სამიზნე ჯგუფი, რომელიც სწორედ ისაა, რომ ეს მესამე კატეგორია მიიმხრონ?

– მოკლედ, მიიჩნევთ, რომ ამ სამი პარტიის გაერთიანება მესამე პოლიტიკურ ძალას ვერ შექმნის?

– რა თქმა უნდა, ვერ შექმნის. ლაპარაკი გაერთიანება-გამსხვილებაზე სწორია, მაგრამ არა ერთიან, დიდ, რაღაც კონგლომერატის შექმნაზე. პარტიებში უნდა გაჩნდეს ისეთი დაჯგუფებები, რომელთაც პრობლემა არ ექნებათ 5%-იანი ბარიერის დაძლევისა. ეს არის ძალიან კონკრეტული ამოცანა, ამისთვის აუცილებელია, წვრილი პარტიების გამსხვილება, მაგრამ არა – მექანიკურად. ეს საკმარისი არ იქნება, მაგრამ პირველი გადადგმული ნაბიჯი იქნება, რის შემდეგაც, უნდა აუხსნან საზოგადოებას, თუ რას სთავაზობენ და რატომ იქნება უკეთესი, თუ ისინი მოვლენ ხელისუფლებაში.

– როცა ოპოზიციის სამოქმედო გეგმაზეა საუბარი, საინტერესოა, რამდენად იმუშავენ პროტესტი – ქუჩის აქციები, საპარლამენტო ბოიკოტი და ასე შემდეგ, რათა ზენოლა მოახდინონ ხელისუფლებაზე, რომ 12- პუნქტიანი გეგმა შესრულდეს არა ფორმალურად, არამედ, შინაარსობრივად და ეფექტიანად?

– როცა ოპოზიცია მმართველ ძალას ადანაშაულებს, რომ არ ითვალისწინებს ევროპული პარტნიორების აზრს, ჩნდება კითხვა – თავად ოპოზიცია ითვალისწინებს?

– რას გულისხმობთ?

– მუდმივად იყო მოწოდებები, ჩაერთეთ ამ გეგმის შემუშავების პროცესში, ოპოზიცია კი ამტკიცებდა, რომ ცალკე პროცესი ჰქონდა. საკანონმდებლო ორგანოში მიმდინარეობს ამ პუნქტებზე მუშაობა და კანონპროექტების მიღება, სად არის აქ ოპოზიცია, მონაწილეობს რამეში?

– შეიძლება ითქვას, რომ ოპოზიციის ნაწილი მონაწილეობს...

– პროცესი უნდა შექმნან – ამას ვგულისხმობ. ორი კაცი კი ამ პროცესს ვერ შექმნის. გვინახავს პარლამენტის სხდომები, როცა ოპოზიცია იყო ძალიან აქტიური, დღეს კი ოპოზიცია თითქოს არის პარლამენტში და არც არის...

– ბატონო ვახტანგ, ევროკავშირში ინტეგრაციის საკითხზე, რუსთაველზე, ხალხის უპრეცედენტო რაოდენობა გამოვიდა. თუ ეს ხალხი 2023 წლის ბოლოს დაინახავს, რომ მმართველმა ძალამ ვერ შეასრულა სათანადოდ 12-პუნქტიანი გეგმა, ეს 2024 წლის საპარლამენტო არჩევნების შედეგებზე გადამწყვეტად იმოქმედებს?

– არა, ეს თემა ვერანაირად გახდება გადამწყვეტი, თუ ოპოზიცია დარჩება იმ მდგომარეობაში, როგორშიც დღესაა. ხელისუფლება მოსახლეობის 2/3-ს არ მოსწონს და მეტი რა უნდა ოპოზიციას? კიდევ რისი მოლოდინი უნდა ჰქონდეს? ხელისუფლება საკმაოდ ეფექტიანად მუშაობს ძალაუფლების შესანარჩუნებლად და თუ ოპოზიცია იმ ვითარებაში დარჩება, როგორშიც დღესაა, ხელისუფლებას რატომ გაუჭირდება არჩევნების მოგება, წარმოდგენა არ მაქვს. ამიტომ, ოპოზიცია კარგად უნდა მოემზადოს.

უამრავი ხალხი რომ გამოვიდა ევროპული ორიენტაციის მხარდასაჭერად, იქ მხოლოდ ოპოზიცია ხომ არ იყო? ხელისუფლების მხარდამჭერებიც იყვნენ, ესეც გასათვალისწინებელია. პროცესს თუ ვერ შექმნის ოპოზიცია, მისთვის იქნება ძალიან ცუდი. ამ კრიზისული მდგომარეობიდან გამოსავალი უნდა მოიძებნოს.

პრობლემა ისაა, რომ უარყოფითი მუხტი გროვდება მოსახლეობაში და თუ არ მოიძებნა წარმმართველი ძალა, რომელიც ამ მუხტს მიმართულებას მისცემს, შეიძლება, გადაიზარდოს ქუჩის ქაოსურ პროტესტში, რაც დამანგრეველი იქნება ქვეყნისთვის. თავის დროზე, ივანიშვილის დამსახურება სწორედ ეს იყო, მან უარყოფით მუხტს მისცა მიმართულება, თორემ 2012-ში ისე რომ მოვსულიყავით, როგორც მაშინ ოპოზიცია იყო, ეს იქნებოდა ძალიან მძიმე ქვეყნისთვის. წესით, ყველაფერ ამაზე ოპოზიცია უნდა ფიქრობდეს.

ეს საქართველოს უახლესი ისტორიის ერთ-ერთი ყველაზე დიდი სირცხვილია. დიას, იმ დღეს ღმერთი მთელ პოლიტიკურ ინსტიტუტებს გაუწყრა ანუ უფრო ნათლად და გასაგებად რომ ვთქვათ, სამთავრობო და ანტიამთავრობო ძალების დაპირისპირებას უდანაშაულო ადამიანები შეენივნენ, თუმცა ამის თქმა დღეს შეიძლება, როცა ვნებები ჩამცხრალია, თორემ მაშინ, როცა თბილისის მთავარ გამზირზე სისხლმონყურებული „რობოკოპები“ დათარეშობდნენ, ანალიზისთვის არავის ეცალა.

დიას, ქალბატონებო და ბატონებო, ვინმეს მოეწონება თუ არა, ეჭვგარეშეა, რომ იმით, რაც 15 წლის წინ, ესე იგი, 2007 წლის 7 ნოემბერს მოხდა, მაშინდელმა ოპოზიციამ წყალი – არც მეტი, არც ნაკლები – ნაციონალური მოძრაობის და, შესაბამისად, მიხეილ სააკაშვილის ნისქვილზე დაასხა.

როგორ?

როგორ და, 7 ნოემბრის მოვლენები იმის საბაზი გახდა, რომ ქვეყანაში ვადამდელი საპარლამენტო არჩევნები დანიშნულიყო. მეტიც, სააკაშვილმა ქვეყნის პასუხისმგებელი მმართველის მანტია მოირგო, გადადგა და რიგგარეშე საპრეზიდენტო არჩევნებზე დანიშნა. ჰოდა, იმის ნაცვლად, რომ 7 ნოემბრის მოვლენების ობიექტური გამოძიება და დამნაშავეების მთელი სიმკაცრით დასჯა მოეთხოვა, ოპოზიციამ და, საერთოდ, ანტინაციონალურად განწყობილი მოსახლეობა საარჩევნო კამპანიის მორევმა შთათნთქა. დიას, ამ ნაბიჯით (გადადგომა და ვადამდელი არჩევნების დანიშვნა) სააკაშვილმა საერთაშორისო თანამეგობრობას დაანახა, რომ მას, როგორც პოლიტიკოსს, ქვეყანაში შექმნილი პოლიტიკური კრიზისის განუხტვა ხელენიფებოდა.

ისე, თუკი შეთქმულების თეორიის ლოგიკას გავყვებით, შესაძლოა, ისიც ვივარაუდოთ, რომ 7 ნოემბერი მაშინდელი მმართველი გუნდისა და ოპოზიციის გარკვეული ფრთის ერთგვარი გარიგების შედეგი იყო (!). ყოველ შემთხვევაში, მომხდარიდან ათი წლის შემდეგაც არ არსებობს დასაბუთებული პასუხი, 2007 წლის 7 ნოემბრის დილას, როცა პარლამენტის წინ მიმდინარე აქციაზე სულ რამდენიმე ათეული ადამიანი იმყოფებოდა, ანტინაციონალური ფრონტის ლიდერებმა რუსთაველის გამზირის გადაკეტვის გადაწყვეტილება რატომ მიიღეს? რომ არა ეს გადაწყვეტილება, არავინ იცის, მოვლენები როგორ განვითარდებოდა, მაგრამ მოხდა ის, რაც მოხდა ანუ რამდენიმე მომიტინგის მიერ, პარლამენტის წინ, საავტომობილო გზის გადაკეტვა ფართომასშტაბიანი დარბევის საბაზი გახდა.

საერთოდ, ნაციონალური ხელისუფლების მიმართ უკმაყოფილების პირველი ნიშნები „ვარდების რევოლუციის“ წლისთავზე, კერძოდ, 2004 წლის 23 ნოემბერს გაჩნდა – ამ დღეს პატრულმა ბუტა რობაქიძე მოკლა. აღსანიშნავია, რომ იმხანად, შსს-ს ვანო მერაბიშვილი კი არა, ირაკლი ოქრუაშვილი ხელმძღვანელობდა. მასადაამე, ახალგაზრდის სიკვდილზე პასუხისმგებლობა სწორედ ოქრუაშვილს უნდა აელო, მაგრამ 2007 წლის შემოდგომაზე, მასობრივი საპროტესტო აქციები „ოქროს“ დაჭერის გამო დაიწყო. მეტიც, სუბიექტი, რომელმაც „ვარდების საქართველოში“ ადამიანების „ტრუსიკ-მაიკით“ დაკავების პრაქტიკა დაწერა, ლამის, ეროვნულ გმირად შერაცხეს, თუმცა ოქრუაშვილის გმირობის მითი საპნის ბუშტივით გასკდა – რამდენიმე დღიანი პატიმრობის შემდეგ, საგამოძიებო უწყებებმა „ოქროს“ თვითაღიარების ვიდეოკადრები გაავრცელეს. ითქვა, სააკაშვილის მეგობარყოფილმა წამებას ვერ გაუძლო და აღიარებაზეც ამიტომ წავიდაო. შესაძლოა, არც უამისობა იყო, მაგრამ ამის შემდეგ მოვლენები კიდევ უფრო უცნაურად განვითარდა – პატიმრობიდან გათავისუფლებული, „სამართლიანობისთვის მებრძოლი რაინდი“ საქართველოს ტოვებს და გეზს პარიზისკენ იღებს.

მოგესხენებათ, იმ ყბადაღებული 9-წლიანი რეჟიმის დროს, ნაციონალების ნებართვის გარეშე, ცაში ჩიტი ვერ გაიჭაჭანებდა, მიწაზე კი – ჭიანჭველა. ჰოდა, საინტერესოა, „ოქროს“ საქართველოს სამანები როგორ გადალახა? ისე, მათ, რომლებსაც კარგი მესხიერება აქვთ, იმხანად, კულუარებში მოარული ხმაც ემასხოვრებოდა, ოქრუაშვილი აეროპორტამდე თავად ნაცებმა მიაცილესო. მოგვიანებით, იმასაც იტყვიან, რომ სააკაშვილმა საფრანგეთს გაქცეულ ოქრუაშვილს თითქოს დიდძალი თანხა გაატანა, თუმცა ყველაფერი ეს პოლიტიკური

სისხლიანი 7 ნოემბერი ანუ წარსული, რომელიც არ უნდა დავივიწყოთ



გამოიყენეს თუ არა ნაციონალებმა მშვიდობიანი მომიტინგეების წინააღმდეგ ფსიქოტრონული იარაღი

მითოსია. ფაქტი კი ისაა, რომ 2007 წლის 7 ნოემბერი, საქართველოს რიგითი მოქალაქეებისთვის საკრალური აღმოჩნდა და, საბოლოო ჯამში, ქვეყანამ წააგო – მინიმუმ, მაპ-ი ვერ მიიღო, თორემ პოლიტიკურმა ელიტამ აშკარად იხიერა: ნაცებმა ხელისუფლებაში ყოფნა გაიხანგრძლივეს, ოპოზიციის ნაწილმა კი, როგორც ბოროტი ენები ამბობენ, სერიოზული „მაყუთი“ იშოვა და ახალი პოლიტიკური ლიდერიც იშვა – „გრეჩინა-უმცროსი“. მართალია, ზოგს დღესაც სჯერა, რომ 2008 წლის ვადამდელ საპრეზიდენტო არჩევნებში რეალურ წარმატებას სააკაშვილმა კი არა, არამედ, ლევან გაჩეჩილაძემ მიაღწია, მაგრამ აქვე, ისიც უნდა გავიხსენოთ, რაც მოგვიანებით გახდა ცნობილი, კერძოდ, პარლამენტის ყოფილი თავმჯდომარის თანამეცხედრე ბადრი ბიწაძემ, ლევან გაჩეჩილაძე სააკაშვილისგან ფულის აღებაში ამხილა.

სიტყვამ მოიტანა და, 2007 წლის 7 ნოემბერს, ნინო ბურჯანაძე ქვეყნის მეორე პირი იყო. მას შემდეგ, რაც ნაციონალებს გაემიჯნა, ქალბატონი პოლიტიკოსი ერთთავად ირწმუნება, რომ „ვარდოსანთა“ ელიტის გადაწყვეტილებებზე ზეგავლენის მოხდენა არ შეეძლო, მაგრამ არსებობს ერთი „მაგრამ“:

რუსთაველზე მოწყობილი სასაკლავოდან ორი-სამი დღის შემდეგ, ნინო ბურჯანაძემ, როგორც საკანონმდებლო ორგანოს ხელმძღვანელმა, პარლამენტის მაღალი ტრიბუნლიდან 7 ნოემბრის მოვლენები გაამართლა და ერთგვარი სიამაყით განაცხადა, სახელმწიფო შედგაო. ჩვენში დარჩეს და, ამ დროს გიგა ბოკერიას უკვე ნათქვამი ჰქონდა, 7 ნოემბერს ძალას გადავამეტეთო.

ერთი სიტყვით, 10 წლის წინანდელი მოვლენების მოკლე ანალიზი ასეთია, თუმცა თუნდაც იმიტომ, რომ ისტორიას მასალები შემოვუნახოთ, „ვერსია“ მხოლოდ 2007 წლის 7 ნოემბრის სურათის აღდგენას კი არ შეეცდება, არამედ, იმ მოვლენებსაც ქრონოლოგიურად გაიხსენებს, რამაც პოლიტიკურ კრიზისამდე მიგვიყვანა.

მაშ, ასე, წინ, წარსულისკენ!

როგორ მზადდებოდა 7 ნოემბერი

2007 წლის 12 სექტემბერი – შიდა ქართლის რეგიონის გუბერნატორი მიხეილ ქარელი, რომელიც თავდაცვის ყოფილ მინისტრ ირაკლი ოქრუაშვილთან დაახლოებული პირია, თანამდებობას ტოვებს. ქარელმა ეს გადაწყვეტილება მას შემდეგ მიიღო, რაც ცნობილი გახდა, რომ გორის გამგეობის რამდენიმე მაღალჩინოსანი კორუფციის ბრალდებით დააპატიმრეს.

14 სექტემბერი – ოქრუაშვილთან დაახლოებული ორი დეპუტატი – თეო ტლაშაძე და ქეთევან მახარაშვილი მმართველ პარტიას, ესე იგი, ნაცმოდრობას ტოვებენ.

25 სექტემბერი – პრეზიდენტის საპარლამენტო მდივან

დომიტრი ქიტოშვილს, რომელიც, ასევე, ოქრუაშვილის გარემოცვის წევრია, გამოძალვის ბრალდებით აპატიმრებენ. იმავე დღეს, შემოსავლების სამსახური ოქრუაშვილის მეგობრის, ქიბარ ხალვაშის ბიზნესსაქმიანობის შესწავლას იწყებს.

25 სექტემბერსვე, ოქრუაშვილი აცხადებს, რომ პოლიტიკურ პარტიას აფუძნებს, რომელსაც „მოდრობა ერთიანი საქართველოსთვის“ არქმევს. პარალელურად, თავდაცვის ექსპრინსტრი, რომელიც არცთუ შორეულ წარსულში, სააკაშვილის კარზე ერთ-ერთ ყველაზე გავლენიან ფიგურად ითვლება, პრეზიდენტს ანტისახელმწიფოებრივი ნაბიჯების გადადგმასა და ბიზნესმენ ბადრი პატარკაციშვილის მკვლელობის დაკვეთაში ადანაშაულებს.

სომბოლური დამთხვევა – 27 სექტემბერს, ესე იგი, სოხუმის დაცემის დღეს, ქვეყნის თავდაცვის ყოფილ მინისტრს, ირაკლი ოქრუაშვილს ფულის გამოძალვის, გათეთრების, ძალაუფლების ბოროტად გამოყენებისა და სამსახურებრივი გულგრილობის ბრალდებით აპატიმრებენ.

28 სექტემბერი – პარლამენტის წინ, ოქრუაშვილის გათავისუფლების, ვადამდელი არჩევნებისა და საპრეზიდენტო მმართველობის გაუქმების მოთხოვნით, ათასობით ადამიანი იკრიბება.

29 სექტემბერი – პრეზიდენტი მიხეილ სააკაშვილი ექს-მეგობარ ოქრუაშვილზე პირველ კომენტარს აკეთებს და ამბობს, რასაც ოქრუაშვილი მბრალდებს, სიცრუეაო..

8 ოქტომბერი – ოქრუაშვილი სააკაშვილის წინააღმდეგ გაკეთებულ განცხადებებს უარყოფს და აცხადებს, მიწოდდა, ამ ბრალდებებით, მე და ბადრი პატარკაციშვილს პოლიტიკური დივიდენდები მიგველო.

ამასთან, ოქრუაშვილი ფულის გამოძალვასა და სამსახურებრივ გულგრილობასაც აღიარებს. რამდენიმე დღეში, თავდაცვის ექსპრინსტრი 10-მილიონიან გირაოს იხდის და საპატიმროს ტოვებს. ისე, საინტერესოა, სახელმწიფო მოხელეს ამდენი ფული საიდან ჰქონდა?!

10 ოქტომბერი – ბიზნესმენი ბადრი პატარკაციშვილი მმართველი პარტიისა და ოპოზიციის დაპირისპირებაში ლიდერდება და აცხადებს, ქვეყანაში არსებულმა რთულმა სიტუაციამ, შესაძლოა, მაიძულოს, პოლიტიკაში მოვიდეთო.

11 ოქტომბერი – ოქრუაშვილის მხარდამჭერები საზოგადოებას თავდაცვის ყოფილი მინისტრის პოლიტიკიდან წასვლის შესახებ ამცნობენ.

17 ოქტომბერი – ათი ოპოზიციური პარტია, რომელიც ვადამდელი არჩევნების მოთხოვნით ერთობლივ კამპანიას აწარმოებს, 12-პუნქტიან მანიფესტს აქვეყნებს.

19 ოქტომბერი – ქუთაისში, ოპოზიციის მიერ ორგანიზებულ აქციაზე ათასობით ადამიანი იკრიბება. ქუთაისის მიტინგი 2 ნოემბერს, თბილისში დაგეგმილი მასობრივი საპროტესტო აქციის ერთგვარი რეპეტიციაა.

დასასრული მე-6 გვერდზე

მე-5 გვერდიდან

22 ოქტომბერი – ათი პარტიისგან შემდგარი კოალიცია პერმანენტულ აქციებზე საგანგებო განცხადებას ავრცელებს.

23 ოქტომბერი – ბათუმში, ოპოზიციის ორგანიზებით, რამდენიმეათასიანი აქცია იმართება.

25 ოქტომბერი – საქართველოს გზის, თავისუფლებისა და რესპუბლიკელების ლიდერები – სალომე ზურაბიშვილი, კონსტანტინე გამსახურდია და დავით უსუფაშვილი ევროკავშირის ერთიანი საგარეო და უსაფრთხოების პოლიტიკის უმაღლეს წარმომადგენელს, ხავეიერ სოლანას ხვდებიან.

28 ოქტომბერი – ბიზნესმენი ბადრი პატარკაციშვილი აცხადებს, რომ ოპოზიციას დააფინანსებს, რათა აქციები „ცივილიზებული გზით“ გამართოს.

იმავე დღეს, ზუგდიდში, ოპოზიციის მიერ გამართული საპროტესტო აქციის შემდეგ, მმართველი პარტიის მხარდამჭერები ოპოზიციონერ დეპუტატსა და ოპოზიციის რამდენიმე აქტივისტს სცემენ.

30 ოქტომბერი – დეპუტატი გიგა ბოკერია აცხადებს, რომ ხელისუფლება, არჩევნების დღესთან დაკავშირებით, კომპრომისზე წასვლას არ აპირებს.

1 ნოემბერი – რეგიონებიდან თბილისში, 2 ნოემბრისთვის დაანონსებულ საპროტესტო აქციაში მონაწილეობის მისაღებად ათასობით ადამიანი ჩამოდის.

2 ნოემბერი – პარლამენტის წინ, ოპოზიციის მიერ ორგანიზებულ აქციაზე ათათასობით ადამიანი იკრიბება.

იმავე დღეს, ოპოზიციის ლიდერები პარლამენტის თავმჯდომარე ნინო ბურჯანაძეს ხვდებიან. მოგვიანებით, ბურჯანაძე აცხადებს, რომ არჩევნების დღესთან დაკავშირებით, ხელისუფლება კომპრომისზე წასვლას არ აპირებს.

3 ნოემბერი – პარლამენტის წინ საპროტესტო აქცია განახლდა. ოპოზიცია ამბობს, რომ მისი მთავარი მოთხოვნა პრეზიდენტ სააკაშვილის გადადგომაა.

7 ნოემბერი – დღის პირველ ნახევარში, პოლიცია პარლამენტის წინ მიმდინარე აქციას ცრემლსადენი აირით, ხელკეტებით, რეზინის ტყვიებით, აკუსტიკური თოფებითა და წყლის ჭავლით შლის.

დაზინდებისთანავე, ნიღბიანი სპეცრაზმელები ტელეკომპანიების – „იმედი“ და „კავკასია“ სტუდიებს არბევენ, რის გამოც, ორივე ტელევიზია მაუწყებლობას წყვეტს.

გვიან ღამით, პრეზიდენტი სააკაშვილი თბილისში საგანგებო ვითარებას აცხადებს.

8 ნოემბერი – დღის 11.00 საათზე, ბათუმის უნივერსიტეტის მიმდებარე ტერიტორიაზე სპეცრაზმი სტუდენტურ აქციას არბევს.

ამასთან, ოფიციალური თბილისი საქართველოდან სამ რუს დიპლომატს აძევებს. ოფიციალური კრემლი საპასუხი ნაბიჯს დგამს და რუსეთიდან სამ ქართველ დიპლომატს აძევებს.

პრეზიდენტი სააკაშვილი ვადამდელ საპრეზიდენტო, საპარლამენტო არჩევნებასა და, ასევე, რეფერენდუმს ნიშნავს.

16 ნოემბერი – საქართველოს მასშტაბით, 7 ნოემბერს დაწესებული საგანგებო მდგომარეობა უქმდება.

სხვათა შორის, 2007 წლის აქციების ერთ-ერთი მთავარი ნარატივი სახელმწიფო დაწესებულებებთან „სიონტისტიკის კორიდორების“ მოწყობა იყო, თუმცა ოპოზიციამ ჩანაფიქრი სისრულეში ვერ მოიყვანა.

„ხალხი დაიღალა გაუთავებელი ექსპერიმენტებით – ოქრუაშვილი-პატარკაციშვილი. ერთი, არქიფო სეთურივით, ლონდონიდან გვიგზავნის ეპისტოლეებს და გვმოდღვრავს, მეორე კი აქციის დაშლა-არდაშლაზე გველაპარაკება“, – ამბობს საგანგებო ბრიფინგზე თბილისის მერი, გიგა უგულავა.

სისხლიანი 7 ნოემბრის ქრონიკა

2007 წლის 7 ნოემბრის ალიონს თბილისი წვიმით შეეგება – თითქოს, დედაბუნებას ავი წინათგრძნობა ჰქონდა და იმას გლოვობდა, რაც რამდენიმე საათში უნდა მომხდარიყო.

10.00 საათზე, პარლამენტთან მიმდინარე საპროტესტო აქცია ოფიციალურად განახლდება. დაახლოებით, ერთ საათში, დემონსტრანტები გზის სავალ ნაწილზე გადასვლას დაიწყებენ, რასაც სამართალდამცველებთან დაპირისპირება და რამდენიმე პირის დაკავება მოჰყვება.

მედია ელბაქიდის დაღმართსა და „ვარდების მოედანზე“, სპეცდანიშნულების რაზმების მობილიზების შესახებ იუწყება. ასევე, ვრცელდება ინფორმაცია, რომ შინაგან საქმეთა სამინისტროს შენაერთები მთაწმინდის პარკშიც განლაგდნენ. ამასობაში, ცნობილი ხდება, რომ პატარკაციშვილის კუთვნილი პარკი დალუქულია.

პარლამენტის წინ არსებული ვითარება კულმინაციას 12:30 საათზე აღწევს, რაც იმას ნიშნავს, რომ საპატრულო პოლიცია აქციის დაშლას ხელკეტებით იწყებს.

სისხლიანი 7 ნოემბერი ანუ წარსული, რომელიც არ უნდა დავივიწყოთ



12:50 საათზე, რუსთაველის გამზირზე სპეცრაზმი გამოჩნდება, რომელიც აქციის მონაწილეების წინააღმდეგ წყლის ჭავლას და ცრემლსადენ გაზს იყენებს... მოწამვლის, ნევროლოგიური შოკისა და რესპირატორული გზების დამწვრობით, სამედიცინო დაწესებულებებს 250-მდე პაციენტი მიმართავს.

16:00 საათისთვის, საპროტესტო აქცია რიყეზე გადაინაცვლებს, სადაც ხალხს ოპოზიციის ლიდერები მიმართავენ. ამასობაში, აქციის მონაწილეთა ერთი ჯგუფი პარლამენტისკენ იძვრება.

რიყეზე სამხედრო ქვედანაყოფებია მობილიზებული. პარალელურად, შინაგან საქმეთა სამინისტრო ოპოზიციის ლიდერთა სატელეფონო საუბრებსა და მათი შეხვედრების ვიდეოჩანაწერებს ავრცელებს. ფარულ კადრებში შალვა ნათელაშვილი, ლევან ბერძენიშვილი, კონსტანტინე და ცოტნე გამსახურდიები, ასევე, გოგა ხაინდრავა ფიგურირებენ.

შსს-ში აცხადებენ, რომ ოპოზიციის ლიდერები რუსეთის ფედერაციის საგარეო დაზვერვის სამსახურის თანამშრომლებთან კოორდინირებდნენ.

საქართველო რუსეთიდან ელჩს, ირაკლი ჩუბინიშვილს იწვევს. ამასთან, საგარეო უწყებაში რუს დიპლომატ ვიჩინსლავ კოვალენკოს იბარებენ.

17:40 საათზე, რიყეზე აქციის დარბევა იწყება. სპეცრაზმი კვლავ წყლის ჭავლას და ცრემლსადენ გაზს იყენებს.

მოგვიანებით, ბადრი პატარკაციშვილი საგანგებო განცხადებას ავრცელებს და მომხდარს „ბოლშევიკური პუტჩის“ უწოდებს:

„სიმბოლურია, რომ ზუსტად დღეს, 7 ნოემბერს, ბოლშევიკური პუტჩიდან 90 წლის თავზე, საქართველო ახალ ტრაგედიას განიცდის.“

ნურავის შეეპარება ეჭვი, რომ მთელი ჩემი ძალ-ღონე, მთელი ჩემი ფინანსური რესურსი, უკანასკნელი თეთრის ჩათვლით, გამოყენებული იქნება საქართველოს ფაშისტური რეჟიმისაგან გასათავისუფლებლად. საქართველოს გაუმარჯოს!“

მმართველი გუნდი პატარკაციშვილის ამ განცხადებას ხელისუფლების დამხობის პირდაპირ მონოდედად აღიქვამს.

20:55 საათზე, სპეცდანიშნულების რაზმი ტელეკომპანია „იმედი“ შედის. ტელევიზიასთან მოქალაქეები იკრიბებიან. საპატრულო პოლიცია ხალხს ხელკეტებითა და ნიხლებით უსწორდება. ამასთან, ვრცელდება ინფორმაცია, რომ ტელეკომპანიის მიმდებარე ტერიტორიაზე ცრემლსადენი გაზი გაუშვეს... მოგვიანებით, „იმედის“ ჟურნალისტები იტყვიან, რომ სპეცრაზმის თანამშრომლები სასტიკად ექცეოდნენ – იატაკზე დაწვინეს და იარაღი დაადეს...

აპრძალული იარაღი

საერთოდ, აქციების დაშლისას ხელკეტებისა თუ ცრემლსადენი გაზის გამოყენება ზედმეტიკრატულ ქვეყნებშიც აპრობირებულია. პოლიციასა და სპეცრაზმს ძალის გადამეტებაში ბრალს განვითარებულ ქვეყნებშიც სდებენ, თუმცა იმის პრეცედენტი, რომ მშვიდობიანი მომიტინგეების წინააღმდეგ ხელისუფლებამ ფსიქოტრონიული იარაღი გამოიყენოს, თითქმის, არ არსებობს. საქართველო კი ამ მხრივაც პიონერია. ყოველ შემთხვევაში, სამი წლის წინ, კერძოდ, 2014 წლის ოქტომბერში, რუსული მედია სკანდალურ ცნობას გაავრცელებს, რომლის თანახმადაც, 2007 წლის 7 ნოემბერს, ნაციონალებმა მომიტინგეებს „ტვინზე

სასიკვდილო დარტყმა“ მიაყენეს ანუ აქციის დასაშლელად, თითქოს, ფსიქოტრონიული იარაღი გამოიყენეს.

სტატიაში, რომელსაც ხელს ვინმე ალექსანდრ კლუგლოვი აწერდა, ნათქვამი იყო:

„2007 წლის 7 ნოემბერს, თბილისში დემონსტრანტების წინააღმდეგ გამოყენებული „უცნაური აპარატურა“ სპეციალური აკუსტიკური იარაღი – Medium Range Acoustic Device იყო, რომელიც მაშინდელმა ხელისუფლებამ ამერიკელებისგან მიიღო. მანამდე, აღნიშნული იარაღი ამერიკელებმა ერაყელი ბოვიკების წინააღმდეგ გამოსცადეს, უფრო გვიან კი, რუსეთის ხელისუფლებამ – ჩეჩნეთში. ორივე შემთხვევაში, ამ ექსპერიმენტსა თუ გამიზნულად გამოყენებულ მეთოდს, საკმაოდ დიდი მსხვერპლი მოჰყვა“ ...

რუსული მედიის მიერ გავრცელებული ზემოხსენებული ინფორმაცია, რასაკვირველია, ქართულმა გამოცემებმაც აიტაცეს. ერთ-ერთმა ქართულმა ინტერნეტპორტალმა კი ფსიქოტრონიული იარაღზე ერთგვარი ჟურნალისტური მოკვლევაც ჩაატარა, რომლის თანახმადაც, 7 ნოემბერს, მომიტინგეების წინააღმდეგ გამოყენებული იქნა სპეციალური მოწყობილობა, რომელიც გამოსცემს ინფრაბგერებს – 15-დან 20 კილოჰერცამდე და ე.წ. ჩუმი ტალღების სახით ხვდება ადამიანის ორგანიზმში ისე, რომ მათ სმენითი ორგანო ვერ აღიქვამს...

დანამდელებით იმის თქმა, რომ 2007 წლის 7 ნოემბერს, ნაციონალებმა მშვიდობიანი მომიტინგეების წინააღმდეგ ფსიქოტრონიული იარაღი გამოიყენეს, შეუძლებელია, თუმცა მაშინვე ყურადღება მიიქცეოს ე.წ. რობოკოპის სამოსში გამონწყობილი სპეცრაზმელებმა.

ამასთან, აქციის მონაწილეები მოგვიანებით გაიხსენებენ, რომ წყლის ჭავლისა თუ ცრემლსადენი გაზის პარალელურად, უცნაური ხმა ესმოდათ, რომელსაც ჯავშანმანქანა გამოსცემდა...

ზოგიერთი ექსპერტის შეფასებით, მიხეილ სააკაშვილისა და, საერთოდ, ნაცმოძრაობის დასამარება სწორედ 7 ნოემბრით დაიწყო. შესაძლოა, მართლაც ასეა, მაგრამ 7 ნოემბერმა სხვა სახის პოლიტიმანკიერებანიც გამოავლინა, კერძოდ, ნათელი გახდა, რომ ოპოზიციას, განსაცდელის მიუხედავად, ერთ მუშტად შეკვრა არ შეუძლია ანუ 7 ნოემბრის შემდეგ ე.წ. გაერთიანებული ოპოზიცია კი შეიქმნა, მაგრამ როგორც იმხანად კულუარებში ამბობდნენ, ამ გაერთიანებაში შემავალ ყველა სუბიექტს კერძო ინტერესები ამოძრავებდა, რაც გამოიწვია კიდევ: გაერთიანებულმა ოპოზიციამ იმდენი ვერ შეძლო, რომ ვადამდელ საპრეზიდენტო არჩევნებში მხარი ბადრი პატარკაციშვილისთვის დაეჭირა. ამიტომ, ცხონებული ოლიგარქი, რომელიც, პრაქტიკულად, 2007 წლის ნოემბრის მოვლენების მოტორი იყო, ვადამდელ არჩევნებზე მარტოხელა მგლის ამპლუაში მოგვევლინა. გაერთიანებულმა ოპოზიციამ, რომელსაც, როგორც ამბობენ, გარკვეულ ფინანსურ დახმარებას სწორედ პატარაიშვილი უწევდა, ოლიგარქს კონკურენტად ლევან გაჩეჩილაძე „ჩაუსვა“. გაჩეჩილაძე კი, როგორც მოგვიანებით ბადრი ბიჩაძემ განაცხადა, ფარულად, თურმე, სააკაშვილს ხვდებოდა.

ასე რომ, ყოველივე ზემოთქმულის გაანალიზებით, სურათი ასეთია: ქართულ პოლიტიკურ ელიტას ჭირიც ვერ აერთიანებს.

ისე, თუ კარგად დავაკვირდებით, დღევანდელი ოპოზიციაც ზუსტად ამ უკურნებელი სენითაა დავადებული, თუმცა ეს სხვა იქს-ფაილია, რომლის გახსნაც ნათელს, ალბათ, ბევრ რამეს მოჰყვანს...

რა მიზნით იქმნება ვაშაძე-ჭაფარიძე-ხოშტარიას „ტროიკა“

თათია ბონაძე
598-43-50-34

დროა, გირჩი – მეტი თავისუფლება და სტრატეგია აღმაშენებელი პოლიტიკურ გაერთიანებას ქმნიან და ერთობლივი განცხადებით, ევროკავშირის 12-პუნქტიან გეგმასთან დაკავშირებით, ხელისუფლებას საჯაროდ 31 კითხვით მიმართავენ. სტრატეგია აღმაშენებლის, გირჩი – მეტი თავისუფლებისა და დროას ლიდერები ამბობენ, რომ მიუხედავად კოლეგების კრიტიკისა, მზად არიან მხარეებთან მსჯელობისთვის, მათ შორის, ოპოზიციონერ კოლეგებთან, რომლებიც მათი გაერთიანების იდეას არ ემხრობიან. მმართველ გუნდში მიაჩნიათ, რომ მათი ოპონენტების პოლიტიკური მიზნები ეროვნული ინტერესების მატარებელი არაა. „ქართულ ოცნებაში“ ასევე, ამბობენ, რომ ჯაფარიძე-ვაშაძე-ხოშტარიას გაერთიანება სერიოზული არ არის. პარტია გირჩის წევრის, ვახტანგ მეგრელიშვილის განცხადებით კი, ზურაბ ჯაფარიძე, გიორგი ვაშაძე და ელენე ხოშტარია ძალიან უნიჭოები არიან... სტრატეგია აღმაშენებლის ლიდერს სტრატეგია საკუთარ გუნდშიც დაუნუნეს, გიორგი ვაშაძეს თვონა აქუბარდია გამოეყო. „ნაციონალებს“ კი ნონა მამულაშვილი დაემშვიდობა.

„ვაშაძე-ხოშტარია-ჯაფარიძის „ტროიკას“ ერთი მოტივი აქვს, ოპოზიციის გაერთიანება კი არა – იმ პოლიტიკოსების გაშავება და ჩაძირვა, რომლებიც კეზერაშვილის ფინანსური კონტროლის ქვეშ არ არიან“, – ასე გამოეხმაურა „ტაბულას“ რედაქტორი, თამარ ჩერგოლიშვილი „გირჩი – მეტი თავისუფლების“ ლიდერის, ზურაბ ჯაფარიძის ინიციატივას, პარტიების გაერთიანების შესახებ. გაერთიანების შესახებ მეტის გასარკვევად, „ვერსია“ „სტრატეგია აღმაშენებლის“ ერთ-ერთ ლიდერ პაატა მანჭგალაძეს ესაუბრა:

– „სტრატეგია აღმაშენებლის“, „გირჩისა“ და „დროას“ ერთიან პლატფორმაში გაერთიანების არსი ის არის, რომ ქვეყანა გადასარჩენია და ასე გაგრძელება არ შეიძლება. ოღონდ, ეს არ არის პათეტიკა, დღეს არ არის საარჩევნო კამპანია, რომ სიასა და ბლოკზე ვისაუბროთ. ჩვენი დაკვირვებით, „ქართული ოცნება“ მიზანმიმართულად აკარგვინებს საქართველოს ევროპულ პერსპექტივას. მას არ უნდათ და აკრძალულიც აქვს, როგორც თავის დროზე, იანუკოვიჩსა და სომხეთს აუკრძალა რუსეთმა ასოცირების ხელშეკრულებაზე ხელმოწერა, ვფიქრობთ, ასეთი გარიგება „ქართულ ოცნებასა“ და რუსეთს შორის, რომ საქართველომ არ უნდა მიიღოს კანდიდატის სტატუსი და არ უნდა გახდეს ევროკავშირის წევრი, რადგან საქართველოს სახით, რუსეთი დაკარგავს გავლენას კავკასიაში.

ჩვენ ასეთ შეთქმულებას ვხედავთ და გამოვიდეთ, ვისაუბროთ იმაზე, რომ „სტრატეგია აღმაშენებლის“ 5 თუ 3% ხვალ უნდა გახდეს 10%, ესაა ჩვენი სტრატეგიული ამოცანა და ვლანძლოთ სხვა ყველა პარტია, ეს უსინდისობა იქნება ჩვენი მხრიდან, როცა ასეთი საფრთხის წინაშე დგას ქვეყანა. ალბათ, იცით ეროვნული გმირის, მერაბ კოსტავას ცნობილი ნათქვამი – „მხოლოდ უკანასკნელ მომენტში ვახერხებთ გაერთიანებას“... არ გვინდა, რომ ჩვენი ქვეყანა მივიდეს უკანასკნელ მომენტამდე და მერე დაფიქრდეს ყველა. ჩვენ მანამდე გვინდა მოქმედება, პოლიტიკოსობა იმას ნიშნავს, რომ საფრთხეების შესახებ მანამდე მიიღო ინფორმაცია და გაატარო კონკრეტული ღონისძიებები. სწორედ ამას ვცდილობთ, ესაა თავისუფალი პლატფორმა პროდასავლური ანუ ქართული ძალების. თუ დასავლეთი არის მტერი, მეგობარი რჩება რუსეთი, სხვა არჩევანი არ არსებობს – ან დასავლეთი/ევროპა, ან რუსეთი. სხვა პროქართული კურსი არ არსებობს, პროქართული კუ-



„ქვეყანა უნდა გადავარჩინოთ“ – ინტერვიუ პაატა მანჭგალაძესთან

რსი არის პროევროპული კურსი და ეს დამტკიცებულია ჩვენი ისტორიით, ყველა ჩვენი ღირსეული წინაპარი ასე ხედავდა ამ საკითხს.

– ბრიუსელში კონკრეტულად რა საკითხებზე გესაუბრნენ ჩვენი ევროპელი მოკავშირეები?

– „ქართული ოცნების“ პროპაგანდა, ოპოზიციის ლიდერები ჩადიან ევროპაში და საქართველოზე ცუდს საუბრობენო. პირიქით, ჩვენ ყოველთვის ვამბობდით, რომ საქართველოს კანდიდატის სტატუსი სჭირდება და დემოკრატიულმა მექანიზმებმა უკეთესად რომ იმუშაოს, საქართველოს უნდა მიეცეს კანდიდატის სტატუსი, მაგრამ საქართველოზე მომუშავე ჯგუფში, ან ევროპარლამენტარებთან შეხვედრის დროს გავიგეთ, რომ ინფორმაცია აქვთ აბსოლუტურად ყველაფერზე. ჩვენ გვეკითხებოდნენ, ეს ანტიდასავლური, პრორუსული 9-კაციანი ჯგუფი რომ შექმნეს, რაში სჭირდებათ? თუ ევროპაში მოდიხართ, ეს რუსული ნარატივი რატომ უღერდება „ქართული ოცნების“ მხრიდან? – ამაზე პასუხები კი ჩვენ ნამდვილად არ გვაქვს.

– მმართველ პარტიაში გიპასუხებდნენ, რომ ეს ადამიანები „ქართულ ოცნებას“ გამოეყენენ და ცალკე პოლიტიკური ძალა შექმნეს...

– კი, მაგრამ უმრავლესობაში რჩებიან და რა გამოდის, რუსულ ჯგუფთან ერთად, „ქართულმა ოცნებამ“ კოალიცია გააკეთა? ჩვენთან, პროდასავლურ ძალებთან არ თანამშრომლობენ, უსამშობლოებს გვეძახიან, არადა, თავად არიან. ჩვენი მოსახლეობის 85% მომხრეა საქართველოს ევროპაში ინტეგრაციისა, „ქართული ოცნების“, დაახლოებით, 65% დღესაც ამ კურსს უჭერს მხარს და ამიტომ სჭირდება ორსახოვნება მმართველ ძალას, ღიად პრორუსულ კურსზე რომ გადავიდეს, ხელისუფლების ფასი დაუფდება. ამიტომ, პრორუსულ კურსზე გადაიყვანა ეს 9 ადამიანი, თან შექმნა ილუზია, ჩვენ დასავლეთისკენ მივიდვართო.

ევროპაში ყველაფერ ამაზე ჩვენზე უკეთ არიან ინფორმირებულნი და მეტიც, გვითხრეს, ფორმალურად, სათაურების გადმოწერა და ასეთი კანონების მიღება ჩვენთვის არაფერს ცვლის, თუ არ დაგინახეთ, რომ რეალურად გადადგეს ნაბიჯი ანტიკორუფციული ან დეოლიგარქიზაციის თვალსაზრისით, რადგან ახსოვთ, რომ მმართველი ძალა ხელს აწერს რაღაც შეთანხმებას

და მერე აუქმებს. შარლ მიშელის დოკუმენტიც ახსოვთ, ის შეთანხმება, რომელზეც ხელი მოვანერეთ და შემდეგ „გადაახიეს“ ხალხსა და შარლ მიშელს...

– მიშელის დოკუმენტის გაუქმებაში ნაციონალურ მოძრაობასაც მიუძღვის წვლილი, ესეც უნდა ითქვას...

– დღეს ქვეყანას კანდიდატის სტატუსი რომ არ აქვს, მმართველი ძალის დამსახურებაა. ბრიუსელში გვითხრეს, შეგეძლოთ, გქონოდათ კანდიდატის სტატუსი, უბრალოდ, ნდობა არ გვქონდა ხელისუფლებისო...

– ოპოზიციის მიმართ რა მოწოდება აქვთ ევროპელ პარტნიორებს? რის გაკეთებას გთხოვენ?

– მოგვინოდებენ ჩვენი პარტნიორების მეტი ინფორმირებისკენ და პოლარიზებაზე გვესაუბრნენ. ადრე, „ნაცი-ქოცის“ პოლარიზებაზე იყო საუბარი და ახლა ასე არ დგას საკითხი. ახლა პოლარიზება უნდა მოხდეს პრორუსსა და პროქართველს ანუ პროევროპელს შორის, რათა ქართველმა ხალხმა გაიგოს სიმართლე.

– თქვენს გაერთიანებაში ერთიანი ნაციონალური მოძრაობა რატომ არ არის?

– რა ვიცი, ვეტო არავისთვის გვაქვს დადებული. ვინც გაიაზრებს იმ საფრთხეს, რომ ვინროპარტიული კინკლაობის დრო არ გვაქვს და დემოკრატიულად უნდა გადავწყვიტოთ პროცესი...

– ანუ აქამდე, ყველაფერ ამაზე, ენმ-ის ლიდერებთან არ გისაუბრიათ?

– ნაციონალური მოძრაობა არ არის ერთგვაროვანი, ბევრი ლიდერია და სხვადასხვა ლიდერს სხვადასხვა პოზიცია აქვს, არაა ასე მარტივად...

– პარტიის თავმჯდომარეს, გენერალურ მდივანს, ფორმალურ ლიდერებს რა პოზიცია აქვთ?

– მათი კომენტარები ხომ ნახეთ? – ამბობენ, არც ერთ პარტიას არ შევუწყობთ ხელს, ჩვენი მანდატები წაიღონო... ჩვენ კი ვეუბნებით, რომ საკითხი მანდატებზე არ დგას, ჯერ ქვეყანა უნდა გადავარჩინოთ და შემდეგ გავანაწილოთ მანდატები არჩევნებში...

– თამარ ჩერგოლიშვილმა საკმაოდ კრიტიკული „ფეისბუქ-სტატუსი“ მიუძღვნა თქვენს გაერთიანებას, სადაც საუბრობდა იმაზე, რომ ეს გაერთიანება მელიას წინააღმდეგაა და ამის უკან კეზერაშვილი დგას...

– ვფიქრობ, დაბნელებულია ცოტა ჩერგოლიშვილი, გიგა ბოკერიას შეთქმულების იქით, პროცესს ვერ ხედავს.

თბილისმა მსოფლიო ფსიქიატრთა ასოციაციის (WPA) თემატურ კონგრესს უმასპინძლა. „ფსიქიკური აშლილობების მკურნალობა და მართვა პოსტპანდემიურ ეპოქაში“ – ამ თემაზე, სამეცნიერო კონფერენციები სასტუმრო „რედისონ ბლუ ივერიაში“ ორი დღის მანძილზე გაიმართა. მსოფლიო ფსიქიატრთა ასოციაციასთან ერთად, კონგრესის ორგანიზატორი იყო ევროპის ფსიქიატრთა ასოციაცია. მათი დახმარებით და ხელშეწყობით, საქართველოში ამ დარგის 250 გამორჩეული სპეციალისტი მონივეს, მსოფლიოს 20 ქვეყნის წამყვანი უნივერსიტეტებიდან და კლინიკებიდან, რომლებმაც პოსტპანდემიურ ეპოქაში არსებულ გამოწვევებსა და მათი მოგვარების გზებზე იმსჯელეს. კონგრესის პარტნიორები იყვნენ: „საქართველოს ფსიქიატრთა საზოგადოება“, „ალიანსი უკეთესი ფსიქიკური ჯანმრთელობისთვის“ და ფონდი „გლობალური ინიციატივა ფსიქიატრიაში – თბილისი“, ხოლო ფინანსური მხარდამჭერი გახლდათ რუსთაველის ფონდისა და ევროკავშირის 2020-2022 წლების სოლიდარობის პროგრამა.

თემატური კონგრესის თანაპრეზიდენტმა და საქართველოს ფსიქიატრთა საზოგადოების პრეზიდენტმა, ეკა ჭყონიამ საკუთარ მოხსენებაში განაცხადა, რომ 10 ოქტომბერს, ცივილიზებული სამყარო ფსიქიკური ჯანმრთელობის საერთაშორისო დღეს აღნიშნავს. მისი თქმით, ამ დღეს დარგის სპეციალისტებს სამსჯავროდ გამოაქვთ წლის ყველაზე აქტუალურ თემა, რომელიც ფსიქიკური ჯანდაცვის უმთავრესი გამოწვევაა:

„ჯანდაცვის მსოფლიო ორგანიზაციის (ჯანმო) მონაცემებით, COVID-19-ის პანდემიამ შექმნა გლობალური კრიზისი ფსიქიკური ჯანმრთელობისთვის და საფრთხე შეუქმნა მილიონობით ადამიანის ჯანმრთელობას. მაგალითად, პანდემიამდე, 2019 წლის მდგომარეობით, დაახლოებით, რვა ადამიანიდან ერთი ცხოვრობდა ფსიქიკური აშლილობით, ხოლო 2020 წელს, პანდემიის პირველსავე წელს, 25%-ით გაიზარდა, როგორც შფოთვითი, ასევე – დეპრესიული აშლილობების მაჩვენებელი. იმავდროულად, ფსიქიკური ჯანმრთელობისთვის ხელმისაწვდომი სერვისები, შესაძლებლობები და დაფინანსება კვლავ დეფიციტურია, განსაკუთრებით, დაბალი და საშუალო შემოსავლის მქონე ქვეყნებში. გარდა ამისა, პანდემიამ ფსიქიკური ჯანმრთელობის სერვისების მიწოდება შეაფერხა და შეამცირა მკურნალობის ხარისხიც. ხოლო სტიგმა და დისკრიმინაცია კვლავ ბარიერია სოციალური ინკლუზიისა და სწორი ზრუნვის ხელმისაწვდომობისთვის“, – აღნიშნა ეკა ჭყონიამ.

მისი თქმით, ჯანმო-ს ინფორმაციით, მზარდი სოციალური და ეკონომიკური უთანასწორობა, გაჭიანურებული კონფლიქტები, ძალადობა და საზოგადოებრივი ჯანმრთელობის საგანგებო სიტუაციები გავლენას ახდენს მოსახლეობაზე. პანდემიისა და სხვადასხვა მიზეზით, 2021 წლის განმავლობაში, მთელი მსოფლიოს მასშტაბით, 84 მილიონი ადამიანი იძულებით გადაადგილდა. ეკა ჭყონიას განცხადებით, ჯანმო თვლის, რომ თითოეულ ჩვენგანს შეუძლია, მნიშვნელოვანი როლი შეასრულოს ფსიქიკური ჯანმრთელობის შესახებ ცნობიერების ამაღლებასა და ისეთი საზოგადოების შექმნაში, სადაც დაცული იქნება თითოეული ბენეფიციარის უფლება და ყველას ექნება თანაბარი წვდომა ფსიქიკური ჯანდაცვის სერვისებზე.

„2022 წლის 10 ოქტომბრის მასშტაბური კამპანიის მიზანი იყო, რომ ფსიქიკური ჯანმრთელობა და კეთილდღეობა ყველასთვის გლობალურ პრიორიტეტად ექცია. ეს კარგი შესაძლებლობა იყო, რადგან ერთი თემის ირგვლივ გაერთიანდნენ ფსიქიკური ჯანმრთელობის პრობლემების მქონე ადამიანები, ექიმები, ადვოკატები, მთავრობები, დამსაქმებლები, მედია თუ სხვა დაინტერესებული მხარეები. ჩვენ ვიმსჯელებთ, რა უნდა გავაკეთოთ უკეთესი ფსიქიკური ჯანმრთელობისა და კეთილდღეობისთვის“.

თბილისმა მსოფლიო ფსიქიატრთა ასოციაციის თემატურ კონგრესს უმასპინძლა



„ფსიქიკური აშლილობების მკურნალობა და მართვა პოსტპანდემიურ ეპოქაში“

თემატური კონგრესის ფარგლებში, „ვერსიამ“ ექსკლუზიური ინტერვიუ ჩაწერა „ევროპის ფსიქიატრთა ასოციაციის“ პრეზიდენტთან, გეერტ დომთან. ვიდრე პოსტპანდემიურ პერიოდში არსებულ გამოწვევებზე ვკითხავდი, პირველ რიგში, დავინტერესდი, რა ტენდენციები გამოიკვეთა ფსიქიკური აშლილობის მქონე პირებში პანდემიის დროს, როდესაც კორონავირუსის გამო, მთელი დედამიწა „დაპაუზდა“, ჩაიკეტა და რის გამოც, ჯანსაღი ფსიქიკის მქონე პირებსაც კი გარკვეული პრობლემები შეექმნათ:

„როდესაც პანდემიაზე ვსაუბრობთ, ორ ასპექტზე უნდა გავამახვილოთ ყურადღება, ერთია ინფექცია და მისი შედეგები და მეორე – სოციალური იზოლაცია ანუ ზომები, რასაც ვიღებთ პანდემიის შესაჩერებლად. თუ ვსაუბრობთ ინფექციებზე, დავინახეთ, რომ ადამიანებს, რომლებსაც უკვე ჰქონდათ ფსიქიკური აშლილობები, მაგალითად, დეპრესია ან ფსიქოზური ეპიზოდები, ისინი დაინფიცირების უფრო მაღალი რისკის ქვეშ იყვნენ და სამწუხაროდ, ისიც დავინახეთ, რომ როდესაც ინფექცია ჰქონდათ, უფრო მოწყვლადნი იყვნენ გართულებებისადმი. უნდა გავითვალისწინოთ გრძელი კოვიდიც, რასაც გრძელვადიან გართულებებს ვუნდებთ და შემთხვევების, დაახლოებით, 20% გადადის გრძელ კოვიდში. ძირითადად, ეს ფსიქიკური და ნევროლოგიური გართულებებია, ვგულისხმობ, როგორც გუნება-განწყობის დაქვეითებას, ასევე, კოგნიტურ დეფიციტებს. ეს ჯგუფი მოწყვლადია, ინფიცირდება და სამწუხაროდ, ორმაგი მოწყვლადობა გრძელი კოვიდის გამო. რაც შეეხება იზოლაციის ზომებს, რაც მოჰყვა კორონავირუსს, სამწუხაროდ, ამ ზომებმა დააზიანა ფსიქიკური დაცვის სისტემები და ადამიანები ვეღარ იღებდნენ შესაბამის სერვისებს, როგორც კლინიკაში, ასევე – ამბულატორიაში. ისიც უნდა ვთქვათ, რომ შეზღუდვებმა ნეგატიურად იმოქმედა ახალგაზრდებზე“, – განუცხადა „ვერსიას“ გეერტ დომმა ექსკლუზიური ინტერვიუში.

ცხადია, დავინტერესდით, რატომ იმოქმედა პანდემიის გამო დაწესებულმა შეზღუდვებმა ახალგაზრდებზე უფრო ნეგატიურად. გეერტ დომმა „ვერსიას“ განუმარტა, რომ ახალგაზრდებს სჭირდებათ სოციალური ინტერაქციები, ურთიერთობები, ერთმანეთის ნახვა, რაც „ლოქდაუნის“ გამო მოაკლდათ და ეს იყო მათი მდგომარეობის გაუარესების ძირითადი მიზეზი. თუმცა, იმის გამო, რომ მათი ჩვეული, რუტინული სტრუქტურები – სკოლა, კოლეჯი, უნივერსიტეტი მოიშალა, ამანაც დიდი როლი ითამაშა. გეერტ დომის თქმით, პარადოქსი ის იყო, რომ ახალგაზრდები დაზი-

ანდნენ ინფექციასთან ბრძოლის საშუალებებით და არა – უშუალოდ, ინფექციით.

„ვერსიის“ კითხვაზე, როგორ ახსნის პანდემიის დადებით ფაქტორს ანუ ახალ შესაძლებლობებს, რაც კრიზისის დროს, ერთგვარი სტარტაპების სახით ჩამოყალიბდა, მაგალითად, პირბადეების დეფიციტის პირობებში, ინდემნარმებმა ნაჭრის პირბადეები შეკერეს, გეერტ დომმა გვიპასუხა:

„ყველა კრიზისი შესაძლებლობაა. COVID-19-ის ფარგლებში, ჩვენ ვნახეთ გაცილებით ფართო თანამშრომლობა და მეტი ძალისხმევა ევროპის გაერთიანებისკენ. ფაქტობრივად, აფეთქება ტელეშესაძლებლობებისა ინდუსტრიაში, მაგრამ პირველ რიგში, ჯანდაცვაში, რაც ვაქცინების დამზადების სწრაფ პროცესში გამოიხატა და რაც მანამდე შეუძლებელი იყო.“

რა თქმა უნდა, გეთანხმებით, დიახ, პანდემიამ უზარმაზარი ბენეფიტი მოგვიტანა, მაგრამ როდესაც ვფიქრობთ, რომ დასრულდა პანდემია და ცხოვრების ჩვეულ რიტმს უნდა დავუბრუნდეთ, ვაცნობიერებთ, რა უზარმაზარი ეკონომიკური კრიზისიც დაგვიტოვა. სამწუხაროდ, ეს კრიზისი გაცილებით ხანგრძლივი იქნება, ვიდრე პანდემია იყო. კრიზისის გამო კი, ფსიქიკური ჯანმრთელობის მქონე ადამიანები დაზიანდებიან“.

„ვერსიასთან“ საუბრისას, საქართველოს ფსიქიატრთა საზოგადოების წევრმა, მსოფლიო ფსიქიატრთა ასოციაციის კონგრესის თანაორგანიზატორმა, ფონდის „გლობალური ინიციატივა ფსიქიატრიაში“ დირექტორმა, ნინო მახაშვილმა თემატური კონგრესი შეაჯამა:

„ნამდვილად დიდი განსაცდელი იყო კორონავირუსთან გამკლავება, ასევე, ღრმა სტრესთან, გაურკვეველობასთან, ახლობლების დაინფიცირებისა და ეკონომიკური ზარალის შიშის დაძლევა რთული იყო და ბევრმა ადამიანმა ასეთ ზენოლას ვერ გაუძლო. ეს მოსალოდნელიც იყო, როცა ძალიან დიდი ცვლილებაა ცხოვრებაში, თან ასეთი მასშტაბური, რამაც მთელი მსოფლიო მოიცვა. მართალია, წელს გაცილებით დასტაბილურდა მდგომარეობა და პოსტტრავმატულმა სტრესულმა გართულებამაც იკლო, მაგრამ ეს მდგომარეობა უკრაინის ომის დაწყებამდე გავზომეთ. ახლა მოგვიწევს, კიდევ ერთელ შევისწავლოთ, რა მოგვიტანა უკრაინის ომმა, რადგან საქართველო ისევე ჩართული, როგორც მსოფლიოს ბევრი სხვა ქვეყანა. ეს დამატებითი სტრესია, რაც კვლავ გავვირთულებს მდგომარეობას. თუმცა უმთავრესია, გვანსოვდეს, რომ კრიზისს მოაქვს შესაძლებლობები და ჩვენ აუცილებლად უნდა ვიპოვოთ, როგორც ეს შესაძლებლობა, ასევე, პოზიტიური მარცვალი“.



სამართალი

№44 9 ნოემბერი 2022 წ

ბათო ჯაფარიძე

ვერ გეტყვი, არსებობს თუ არა ქვეყანა, სადაც ბოშები არ ცხოვრობენ. ისინი საკუთარი კანონებით ცხოვრობენ, აქვთ საკუთარი წეს-ჩვეულებები, რომლებსაც საუკუნეების მანძილზე იცავენ და თაობიდან თაობას ზეპირად გადასცემენ. იშვიათია, რომ ბოშა სხვაზე დაქორწინდეს და უფრო იშვიათად, ბოშებმა გოგო სხვას გაატანონ, თუმცა გამონაკლისები ადრეც ხდებოდა და სავარაუდოდ, მომავალშიც მოხდება.

„ზოგადად, მკვლელობა უმძიმესი დანაშაულია. შესაძლოა, წლის განმავლობაში, ქურდობის ათი ფაქტი არ გაგვხსნა და არაფერი ეთქვათ, მაგრამ ერთი გაუხსნელი მკვლელობის გამო ტყავს გაგაძრობდნენ. ხომ წარმოგიდგენია, რა მოხდებოდა, როცა საქმე პოლიციელის მკვლელობას ეხებოდა. ეს იყო არა მარტო აუცილებლად გასახსნელი, არამედ, ღირსების საქმეც და ასეთ დროს მთელი სამინისტრო ფეხზე დგებოდა. ვალდებულები ვიყავით, გვეპოვა პირი, რომელმაც სიცოცხლეს ჩვენი კოლეგა გამოასალმა“, – იხსენებს მორიგ ისტორიას პოლიციის გადამდგარი პოლკოვნიკი, ბატონი თენგიზი.

საქმე მარტივი ნამდვილიად არ გახლდათ – ტყის განაპირას, ძალოვნებმა ავტომობილი იპოვეს, მის საბარგულში კი ავტომობილის მფლობელის, მიოლიციის ინსპექტორის გვამი. გვამს თვზე ზღაგვი საგნით მიყენებული ჭრილობა ჰქონდა და ექსპერტიზამაც დაადასტურა, რომ გარდაცვალების მიზეზი ეს იყო – სავარაუდოდ, თავში რკინის ნაჭერი ჩაარტყეს. საქმე კონტროლზე მინისტრმა აიყვანა, კურატორობა პირველ მოადგილეს დაავალა და რეალურად, ამის გაკეთება არც იყო საჭირო – ისედაც მთელი უწყება ფეხზე დადგა.

„მდგომარეობას ისიც ართულებდა, რომ მოკლულმა ერთი კვირით ადრე შვილი დაასაფლავა. მართალია, შვილი მისი არ იყო, ცოლს მოჰყვა, მაგრამ გერს საკუთარივით ზრდიდა, უფრთხილდებოდა და ახალგაზრდა კაცი ავარიას ემსხვერპლა – ავტომობილი მტკვარში გადავარდა. ცოლი განადგურებული დაგვხვდა, ჯერ შვილი, მერე – ქმარი... ქალი მოთქმით ტირიდა და მისთვის ნუგეშის ცემაც არ გამოდიოდა – რა უნდა გეთქვა, როგორ უნდა გეთქვა... ერთი ეგ იყო, პირობა დადეთ, რომ მკვლელს აუცილებლად ვიპოვიდით“, – გვიყვება ბატონი თენგიზი.

ცოლმა ძიებას საიმედო ვერაფერი უთხრა – ქმარს მტრები არ ჰყავდა. თანამშრომლებიც ამბობდნენ, რომ გარდაცვლილი ძალიან გამოცდილი იყო და ისეთს არაფერს იზამდა, ვინმეს სასიკვდილოდ გაემეტებინა. როგორც ადრე იცოდნენ თქმა, ინსპექტორმა ქიციც იცოდა და ქიცმაცურიც, არც ვინმეს გააბრაზებდა, არც აწყენინებდა, საქმის მოგვარება მასთან ყოველთვის შეიძლებოდა და სწორედ ასეთი „საქმიანი“ კაცის სახელი ჰქონდა გავარდნილი. კრიმინალური სამყაროს შეჯანჯვარებამ შედეგი არ გამოიღო – ისინი თავადაც ეძებდნენ მკვლელს, რადგან ასეთი სამართალდამცავის მკვლელობა არც მათ აწყობდათ. ისე გამოდიოდა, რომ ამ ინსპექტორის სიკვდილი არავის სურდა, მაგრამ ვიღაც ხომ იყო მკვლელი და ის ვიღაც შემთხვევითი ნამდვილიად არ გახლდათ – ჯერ ერთი, გარდაცვლილს ფორმა ეცვა და მეორეც, ის საკუთარი მანქანის საბარგულში იყო ჩატენილი.

„უფროსო, შეიძლება, რამეში გამოგადგეს. დაახლოებით, ათი დღის წინ, გარდაცვლილმა გვთხოვა, ერთი ბოშა უნდა დავაშინო, რამდენიმე დღით უნდა ჩავსვათო. ამიტომ, ბოშების უბანში მივედი და ვიღაც ბებერი ქალი დავაკავე, აქაოდა, შენ და შენმა შვილიშვილმა იქურდეთო. შვილიშვილი სახლში არ იყო, გარდაცვლილმა ადგილობრივებს დაუბარა, ძებნაშია და აჯობებს, თავის ფეხით გამოცხადდესო და ნამოვედით. ის ბოშა ქალი „აბიზიანკაში“ გვყავს ისე, არც გაგვიფორმებია, არც არავის მოუკითხავს, საკვებიც თავად გარდაცვლილს მოჰქონდა დღეში ერთხელ“, – ეს სიტყვები გამომძიებელს მოკლული თანამშრომლის მეგობარმა უთხრა.

„აბიზიანკაში“, კანონის გვერდის ავლით, 12 საათით ვილაცებს მართლაც შეაგდებდნენ ხოლმე დასაშინებლად, მაგრამ ერთი კვირით, თანაც უსაბუთოდ ადამიანის გამო-

ნაპოვნია ძალოვნის ცხედარი ტატომ მკვლა გერის საცოლემ სამამამთილ



მწყვდევა, ძალიან უცნაური და რაც მთავარია, კატეგორიულად მიუღებელი იყო. რაღა თქმა უნდა, ქალი სასწრაფოდ გაათავისუფლეს და საგამოძიებო განყოფილებაში მიიყვანეს, თუმცა მოხუცი კერკეტი კაკალი აღმოჩნდა, მხრებს იჩეჩავდა, არც ის ვიცო, ვინ დამიჭირა, არც ის – რისთვის დამიჭირეს და შეილიშვილი საერთოდ არ მყავსო. არადა, გამომძიებლებმა იცოდნენ, რომ შეილიშვილი ნამდვილად ჰყავდა – გოგონა, რომელსაც მარტო ზრდიდა და ცივ ნიავს არ აკარებდა, მაგრამ მას შემდეგ, რაც ეს ქალი დააკავეს, გოგონა აღარავის უნახავს. როგორც წესი, ბოშები სამართალდამცავებთან საუბარს და განსაკუთრებით, თავისიანის ჩაშვებას გაურბიან, მაგრამ ის მაინც გაირკვა, რომ გოგონას საქმრო ჰყავდა, ახალგაზრდა ბიჭი, მაგრამ მას შემდეგ, რაც ეს ქალი დააკავეს და გოგონაც გაქრა, ბიჭი აღარ გამოჩენილა. ბოშებმა მხოლოდ მანქანის მარკა და ფერი თქვეს, რომლითაც ის ბიჭი გოგოს აკითხავდა, მაგრამ ნომერი არავის ახსოვდა, ისეთი ფერისა და მარკის მანქანა კი თბილისში მაშინ ბევრი იყო.

„წესითა და რიგით, გოგონაზე ძებნა უნდა გამოგვეცხადებინა, მაგრამ ბებია ამბობდა, არავინ დამიკარგავსო. ამიტომ, გადავწყვიტეთ, უკანონოდ დაკავებული ქალი გაგვეშვა და მისი სახლისთვის გვეთვალთვალა, რადგან გვეჯეროდა, გოგონა გამოჩნდებოდა და მისი დაკითხვა ბევრ რამეს მოჰფენდა ნათელს. მოხუცის გათავისუფლების შემდეგ, დღეც არ იყო გასული, რომ მის სახლთან ახალგაზრდა გოგონა მივიდა, ქურდულად მიმოიხედა, გარემო დაზვერა და სახლში შესრიალდა“, – იხსენებს ბატონი თენგიზი.

რა თქმა უნდა, სამართალდამცავები ფეხდაფეხ მიყვანენ და გოგოს მაშინ წაასწრეს, როცა ბებიას ხელებს უკოცნიდა. ის დააკავეს და მოხუცის წინააღმდეგობის მიუხედავად, განყოფილებაში წაიყვანეს. ახალგაზრდას გული ჯერ გზაში აერია, მერე – განყოფილებაში, პოლიციის შენობაში მორიგე ექთანმა კი თავი გადააქანა, შესაძლოა, ორსულად იყოსო და გოგონამაც თანხმობის ნიშნად თავი ჩახარა. ვისგან იყო ორსულად, გოგონამ არ იცოდა, სახელი და გვარი არ ვიცო, მაგრამ აშკარა იყო, რომ ტყუოდა, რადგან საქმრო მას სახლში აკითხავდა და ამ შეხვედრების წინააღმდეგ არც ბებია იყო და არც – ბოშათა თემი. ყველა ამბობდა, ბიჭს გულწრფელად უყვარდაო. ორსული ქალის წვალბას ძალოვნები მოერიდნენ და შინ გაუშვეს. გაუშვეს იმის იმედად, რომ საქმრო მოაკითხავდა და გაიგებდნენ, ვინ იყო, რა უნდოდა და რაც მთავარია, რა კავშირი ჰქონდა გარდაცვლილ პოლიციელთან. გამომძიებას სხვა ვერსია და მიმართულება, უბრალოდ, არ ჰქონდა.

ერთი კვირა ისე გავიდა, არც გოგონა და არც ბებიაშისი სახლს არ გასცილებიან, საკვებიც კი მეზობლებს მიჰქონდათ მალაზიოდან. არც საქმრო ჩანდა და არც ვინმე ისეთი, ვისაც ამბის მიტანა შეეძლო. მეზობელი თუ შევიდოდა რამდენიმე წუთით და მეტი არაფერი, ისხდნენ ბებია და შეილიშვილი ეზოში და ხან ერთი უვარცხნიდა მეორეს გრძელ თმას, ხან – პირიქით. შემდეგ კი... ის, რაც შემდეგ მოხდა, გამომძიებელს გამომძიებლებისთვისაც კი ნამდვილი შოკი იყო. საღამო ხანს, ოპერმუშაკი ცოტას თვლემდა კიდევ, როცა ბოშების სახლის წინ ტაქსი გაჩერდა. ტაქსიდან ვიღაც ქალი გადმოვი-

და, ბებიას მიესალმა, ახალგაზრდა გოგო კი გულში ჩაიკრა, შემდეგ შინ შეჰყვა, უკან ჩემოდნით დაბრუნდა, შემდეგ კი სტუმარი და გოგონა ტაქსიში ჩასხდნენ. ბოშების სტუმარი... მოკლული სამართალდამცავის ცოლი იყო.

„როცა ეს ამბავი შემატყობინეს, ვიფიქრე, შეეშალათ, აერიათ-მეთქი, მაგრამ ოპერმუშაკი იმასაც ამბობდა, ტაქსის უკან გავეყვი და ქალმა გოგონა სახლში მიიყვანაო ანუ ჩვენი კოლეგის სახლში, რაც იმას ნიშნავდა, რომ შეცდომა გამოიციხული იყო. რა უნდა მექნა, ავდექი და ქვრივს შინ მივაკითხე. როცა სახლში შევედი, ისე იქცეოდა, თითქოს მარტო იყო, მაგრამ მე ვიცოდი და ვხვდებოდი კიდევ, რომ სახლში ვიღაც სხვაც იყო, ამიტომ პირდაპირ ვუთხარი, გოგონა გამოვიდეს და გამარკვიეთ, რა ხდება-მეთქი“, – იხსენებს ბატონი თენგიზი.

გოგონა გამოვიდა, ქალმა კი მშვიდად თქვა, ჩემი გარდაცვლილი შვილის საცოლე იყო, სამწუხაროდ, ოფიციალური ქორწინება ვერ მოვასწარი, მაგრამ მისგან შვილს ელოდება და მიხარია, რომ შვილიშვილი მაინც შემჩნა ჩემი ერთსაგანო. ახლა ყველაფერი გასაგები და.. უფრო გაუგებარი იყო. თუ ასეთ სიამტკბილობაში ცხოვრობდნენ, რატომ დაიჭირა სამართალდამცავმა თავისი გერის საცოლის ბებია, რატომ თქვა, საცოლეზე ძებნა იყო გამოცხადებული? რაღაც არ ებმებოდა და ლაგდებოდა. ამიტომ, გამომძიებლებმა ვა-ბანკზე წასვლა გადაწყვიტეს და მეორე დღეს, ცოლს ქმრის მკვლელობაში დასდეს ბრალი.

„არა, ეს არაფერ შუაშია, მე, მე მოვკალი“, – აყვირდა ბოშა გოგონა და ეს მართლაც სიურპრიზი იყო. გამომძიებას მართლა ეგონა, რომ ინსპექტორი სიცოცხლეს ცოლმა გამოასალმა, თუმცა...

„არა, მე მოვკალი. ჩემი საქმროს მამინაცვალის ცდა დედაც ჩვენი ურთიერთობის წინააღმდეგნი იყვნენ. სწორედ ამიტომ გადაწყვიტეს ბებიას დაჭერა და ჩემი დაშინება, თორემ არაფერი მოგვიპარავს. მერე მამინაცვალი გერს ჩემს გამო წაეჩხუბა, ჩემმა საქმრომ ხელი დაარტყა და მანქანით წამოვიდა, მამინაცვალი გამოედევნა და სწორედ ამ დღეის დროს მოხდა ავარიაც. ჩემი საქმრო მომიკლეს, ვერ მოვითმინე, სახლში მივადექი და ბუზრის საჩხრეკით თავი გაუფრთხე. დედამთილი პოლიციაში რეკავდა, მე გაქცევას არ ვაპირებდი, მაგრამ გული ამერია და სწორედ მაშინ გაიგო, რომ ორსულად ვიყავი. მერე მითხრა, ხმა არ გაილო, ყველაფერს მე მოვავგარებო და დანარჩენი იცით, ჩემს გამო, ციხეში სხვას არ გაუშვებ“, – განაცხადა დაკავებულმა.

ქალმა კი... „მე დავეკარე შვილი, ქმარი და გაჩნდა იმედი იმისა, რომ შვილიშვილი მეყოლებოდა. ამიტომ, ქმარს პატიება ვთხოვე, მისი გვამი მე ჩავტენე საბარგულში, მე გავიტანე ეზოდან და მე დავტოვე იმ ადგილზე. თითის ანაბეჭდები როგორ გამექრო, ვიცოდი. ჩემი გოგონა გაუშვით, ის ხომ ორსულადაა, მან შვილიშვილი უნდა გამიჩინოს, მე ორივეს მაგივრად ჩავჯდეები“...

სასამართლომ ორივე ქალი დააპატიმრა, თუმცა ყველაფერმა აზრი სასამართლომდე დაკარგა – ორსულ გოგონას მუცელი განაჩენის გამოცხადებამდე მოეშალა.

ვერ გეტყვით, ახლა როგორ არის, მაგრამ ადრე, როცა უმაღლეს სასწავლებლებში სწავლის პარალელურად, პრაქტიკებს გავდიოდით, ყველაფერი რეალობასთან მიახლოებული კი არა, რეალური იყო. ისინი, რომლებიც იურიდიულზე სწავლობდნენ, ნამდვილად დაჰყავდათ საქმეების გამოსაძიებლად, კრიმინალების ასაყვანად, სამედიცინოს სტუდენტებს ასწრებდნენ მშობიარობას, ოპერაციებს... და ასე, მომავალი ექიმები, იურისტები, ინჟინრები პროფესიას ითვისებდნენ ნელ-ნელა, ნაბიჯ-ნაბიჯ, დანარჩენი კი უკვე პრაქტიკულ მუშაობასა და გამოცდილებას მოჰქონდა...

თბილისის სამედიცინო ინსტიტუტში (უნივერსიტეტი მერე დაერქვა), მომავალ პათანატომებს გამოცდილი ექსპერტი ლექციას უტარებდა. აუდიტორიაში ბუზის გაფრენის ხმა ისმოდა და ლექციას არა მარტო მომავალი ექსპერტები თუ პათანატომები ესწრებოდნენ, არამედ ისინიც, რომლებსაც ამ გამოცდილი კაცის საუბრის მოსმენა სურდათ.

„დღეს აგისხნით, როგორ უნდა მიხვდეთ, დაახლოებით, რამდენი ხანი გაატარა ძვალმა მიწაში. აგერ, მომიტანეს თავის ქალა, რომელიც სავარაუდოდ, ასი წლისაა, ნამდვილი თავის ქალაა და აგისხნით, რა დამახასიათებელი ნიშნები აქვს ასეთი ასაკის თავის ქალას“, – განაცხადა ლექტორმა და თავის ქალას გამოადივებელ შუშასთან ერთად იისფერი შუქიც დაანათა. ლექტორი ქალას ყურადღებით დააკვირდა, მერე უფრო ყურადღებით, დაახლოებით, ერთი წუთი უტრიალა, ბოლოს თავი ასწია და მტკიცედ თქვა – „დღეს ლექცია დამთავრებულია, შემდეგში გავაგრძელებთ“. ამას არავინ ელოდა, რადგან რეალურად, ლექცია ათი წუთის დანყებულ იყო, თუმცა გაპროტესტება ვერავინ გაბედა. ლექტორმა კი თავის ქალა ხელთათმანებით ფრთხილად აიღო და დეკანატისკენ წავიდა, თან გზაში ბუტბუტებდა – „შეცდომა გამოიცილებულია“. ცოტა ხანში, სამედიცინო ინსტიტუტის ეზოში მილიციის რამდენიმე მანქანა შევიდა.

„გუებნებით, შეცდომა გამოიცილებულია. არანაირი ასი და ორასი წელი, ყველაზე დიდი, ეს ქალა მიწაში სამი-ოთხი წლის განმავლობაში იმყოფებოდა. არა, ვაჭარბებ, ოთხი ბევრია, სამი წელი მაქსიმუმია. არ ვიცი, როგორ მოხვდა ეს თავის ქალა ჩემს მაგიდაზე, მაგრამ დაზუსტებით შემძლია გითხრათ, რომ გასულ კვირას გამართული ლექციის დროს, საუკუნის თავის ქალაზე ვაჩვენებდი სტუდენტებს, როგორ ხდებოდა ძვლის სიძველის შემჩნევა. ამასთან, ის თავის ქალა მამაკაცის იყო, ეს კი აშკარად ქალია“, – ცხარობდა მოხუცი პროფესორი.

რალა თქმა უნდა, სამართალდამცავებს ეჭვის შეტანის საფუძველი არ ჰქონდათ, მაგრამ წესი წესი იყო და ამიტომ, თავის ქალა შსს-ს საექსპერტოში წაიღეს. ადვილი მისახვედრია, რას დაწერდა ექსპერტი – „თავის ქალა ეკუთვნის ადამიანს, რომელიც ორი-სამი წლის წინ გარდაიცვალა. ქალამ მიწაში ყველაზე ცოტა – ორი, ყველაზე ბევრი კი სამი წელი გაატარა. ის 35 წლამდე ასაკის ქალბატონს ეკუთვნის“...

სამედიცინო ინსტიტუტის მომარაგების განყოფილებაში ერთი ახალბედა თანამშრომელი იყო, 30 წლამდე ბიჭი, რომელიც სამსახურში ორი თვის წინ მიიღეს. მას ებარა, როგორც თავის ქალები, ისე სხვადასხვა ნივთი და შესაბამისად, სამართალდამცავებმაც სწორედ მას მიაკითხეს. თავიდან ბიჭმა მხრები კი აიჩეჩა, მაგრამ აშკარად ეტყობოდა, რომ იტყუებოდა და როგორც კი ძალოვნებმა თავში ნაუთაქეს (ჰო, ნაუთაქეს), მაშინვე დაიწყო:

„ახალი მოსული ვარ და ყველაფერი მაინტერესებს. სწორედ ამიტომ, ნებისმიერ ნივთს ყურადღებით ვათვალიერებდი. რალა თქმა უნდა, განსაკუთრებით თავის ქალამ დამაინტერესა, ნამდვილ თავის ქალას

ბურუსით მოსული გაუსხნელი გვლელი



თავის ქალის კრიმინალური საიდუმლო

ყოველდღე ვერ ნახავს ადამიანი. თვალისკრების დროს, ხელიდან გამივარდა და გამიტყდა. არ მინდოდა, ამის გამო საყვედური მიმეღო და სოფელში წავედი. იქ, მოხუც მესაფლავეს შევჩვილე, სად შეიძლება თავის ქალის ნახვა-მეთქი და იმანაც ხელი აიქნია, თავის ქალების მეტი რა არის სასაფლაოზე, ამას წინათ, შემთხვევით წავაწყდი, ძალიან ძველი იყო, ალბათ ნადირმა ამოთხარა და იქვე ჩავფალიო. მივედი, ამოვთხარეთ, ნამოვილე და დავდე. რას ვიფიქრებდი, რომ ახალი მიცვალებულის იქნებოდა და ასეთი ამბავი ატყდებოდა“, – თავი იმართლა ახალგაზრდა თანამშრომელმა.

ორ საათში გამომძიებლები იმ სოფლის სასაფლაოზე იყვნენ და მესაფლავეს ესაუბრებოდნენ, რომელმაც ის ადგილი მიუთითა, სადაც თავის ქალა იპოვა. ეს კი ერთი მიტოვებული საფლავის ტერიტორია იყო და იმის მიუხედავად, რომ თითქოს ყველაფერი ჩვეულებრივად გახლდათ, აშკარად ჩანდა, ძველისძველი საფლავი ვიღაცამ შეანუხა და გათხარა. ამიტომ, მოწმეები მოიყვანეს და მესაფლავეს ადგილის გათხრა დაავალეს. დაახლოებით, ნახევარ მეტრზე ადამიანის ძვლები გამოჩნდა და მალე ჩონჩხიც აეწყო – ჩონჩხი, რომელსაც თავის ქალა აკლდა. ყველაფერი ექსპერტიზაზე წაიღეს და მესაფლავეც დაკითხვაზე წაიყვანეს.

„ძველი საფლავები ხშირად გადათხრილი მხვდება – ან რამეს ეძებენ, ან ცხოველებს მარხავენ, ძალებს, კატებს... რამდენჯერაც გავიჩქენე, იმდენჯერ კატა ან ძაღლი ვიპოვე. რა თქმა უნდა, შევამჩნიე, რომ საფლავი ახალი გათხრილი იყო, როცა თავის ქალა ვიპოვე, მაგრამ ვიფიქრე, რომ ძველი საფლავიდან ამოვარდა, ამიტომ მიწა იქვე მივყარე, მერე კი ამ ბიჭს მივეცი, როცა თავისი გასაჭირი მიაბზო“, – მოჰყვა მესაფლავე.

ამასობაში, ექსპერტიზის დასკვნა მოვიდა – გვამს გულის მხარეს ნეკნები ჰქონდა დაზიანებული და ბასრი საგნით ჩაჭრილი, რაც იმას ნიშნავდა, რომ ძვლების პატრონი მოკლეს. ვინ შეიძლება იყო ყოფილი გარდაცვლილი? სოფელში დაკარგულად არავინ ითვლებოდა, ამიტომ ბოლო სამი წლის განცხადებებს გადახედეს და უგზო-უკვლოდ დაკარგულთა სიის შესწავლა დაიწყო. ასაკს მხოლოდ ორი ქალი ემთხვეოდა, ამიტომ ორივეს შესწავლა იყო საჭირო. ერთ-ერთს ქმარი ჰყავდა და როცა მიაკითხეს, იმან ხელი აიქნია, ცოლი რომ დაიკარგა, განცხადება სასწრაფო წესით დავწერე, მაგრამ მერე აღარც მიმიკითხავს, რადგან აღმოვაჩინე, რომ სახლიდან მთელი დანაზოგი და ძვირფასეულობა გაქრა, დარწმუნებული ვარ, ვიღაცას გაჰყვა, ნახევრად რუსი იყო და სლავეები ასეთ გადაწყვეტილებას ადვილად იღებენო. სხვათა შორის, სამართალდამცავებს ისიც დადგინდა ჰქონდათ, რომ ქალმა საქართველო დატოვა ანუ ვერსია, რომ ვიღაცას გაჰყვა, სიმართლესთან ახლოს იყო.

რაც შეეხება მეორეს, მას ორი შვილი და ქმარი დარჩა, ნერვიულობდნენ, ეძებდნენ... ძებნა ერთი დღითაც არ შეუწყვეტიათ, მაგრამ კვალს ვერ მიაგნეს.

სამართალდამცავებს ეს ოჯახი საეჭვო არ ეჩვენა და ბავშვებს სისხლის ანალიზი აუღეს, გვამისთვის რომ შეედარებინათ. განაჩენივით ელოდა ოჯახი ექსპერტიზის პასუხს და... გაცემული დასკვნით, ბავშვებსა და ნაპოვნ ძვლებს ნათესაური კავშირი არ ჰქონდათ. ისევ იმ ქალს მიუბრუნდნენ, რომლის ქმარიც არ ნალვლობდა, მოიძიეს ავადმყოფობის ისტორია, სისხლის ჯგუფი და... ლამის ასპროცენტიანი დამთხვევა იყო. ამას გარდა, სპეციალური ანალიზით დადგინდა ისიც, რომ ძვლები ეკუთვნოდა ადამიანს, რომელსაც სლავეურ რასასთან კავშირი ჰქონდა. ძიება სწორედ ამ მიმართულებით წავიდა.

მალე გაირკვა, რომ საქართველოდან რუსეთში წასვლიდან ორ თვეში, ქალი ისევ უკან დაბრუნდა. ახლა ის იყო გასარკვევი, ვისთან ერთად წავიდა და ჩამოვიდა საქართველოში. ამიტომ, მგზავრების სია მოიკითხეს და მხოლოდ ერთი დამთხვევა ნახეს – მამაკაცი, რომელიც ორივე რეისზე იყო. მისი ნახვა პრობლემა არ უნდა ყოფილიყო, მაგრამ გაირკვა, რომ საქართველოდან ერთი წლის წინ წავიდა და მას შემდეგ უკან აღარ დაბრუნებულა. მისი მოძებნა რუსეთში გადაწყვიტეს და გაარკვიეს, რომ დაკავებული იყო ძარცვის ბრალდებით და სასჯელს იხდიდა. რალა თქმა უნდა, ძნელი იყო მისთვის აქაური მკვლევრობის დამტკიცება, მაგრამ ქართველი გამომძიებლები რუსეთში მაინც წავიდნენ. დაკავებულმა ქალთან ნაცნობობა არ უარყო, თქვა კიდევ, ამეკიდა, ძლივს მოვიშორე, საქართველოში რომ ჩამოვედი, მერე გამოვეპარე და წარმოდგენა არ მაქვს, ახლა სად არისო. ეს კი იმას ნიშნავდა, რომ ქართული მხარე ბრალს ვერ წაუყენებდა. არადა, ქართველი გამომძიებლები თითქმის დარწმუნდნენ, რომ მკვლელი სწორედ ის იყო, თუმცა...

უკან დაბრუნებულმა მამაკაცის მეგობრები მოძებნეს და მალე მიაგნეს კიდევ. მათ აღიარეს, ვიცნობთ, იმ ქალსაც ვიცნობდით, მაგრამ წლებია, აღარ გვინახავსო. სამაგიეროდ, მესაფლავემ ამოიცნო, ეს კაცი კარგად მახსოვს, წლების წინ იყო მოსული, დედის საფლავზე მინდა ყვავილები დავრგო და ნიჩაბი მთხოვაო. შემდეგ ის ნიჩაბი გასასვლელთან მიგდებული იპოვა, თუმცა ვერც ის გაიგო, სად იყო კაცის დედის საფლავი და ვერც ის, ყვავილები დარგო თუ არა. საქმე, როგორც გაუსხნელი, უნდა დაეხურათ, თუმცა ყოველი შემთხვევისთვის, ის მიტოვებული საფლავი გადაამოწმეს, რომელზეც ახალგაზრდა ქალის გვამი იყო დამარხული. სოფელში მხოლოდ ერთმა მოხუცმა გაიხსენა, ეს ქალბატონი აქ ცოტა ხანს ცხოვრობდა, შემდეგ გულის შეტევით გარდაიცვალა და ბიჭმა დაასაფლავაო. ქალს ბიჭის სახელიც ახსოვდა (გვარი არა) და სახელი ეჭვმიტანილისას დაემთხვა. ქალმა სურათით ვერ ამოიცნო, წლები გავიდა, შეიძლება, ის არის, შეიძლება – არაო. ქართული მხარე რუსეთში მეორედ გაემგზავრა, მამაკაცს ბრალიც წაუყენა მკვლევრობაში, მაგრამ სასამართლომ მტკიცებულებები საკმარისად არ მიიჩნია.

სპორტის მიმართულებით საქართველოში ერთ-ერთ მაღალჩინოსანს ორი ქალიშვილი ჰყავდა. ერთი გათხოვდა და გათხოვდა ძალიან, ძალიან სიმპატიურ ბიჭზე, რომელსაც საკუთარი გარეგნობისა და სოფელში ქონის გარდა, არაფერი გააჩნდა, თუმცა სიმამრმა მალე სამსახურიც უშოვა, ბინაც, მანქანაც და ბიჭმაც ცხოვრება ააწყო. მალე იქცა თავადაც პატივსაცემ პირად და ჭკუის დამრიგებელიც გახდა. რაც შეეხება მეორე ქალიშვილს, მასზე მამას ხელი ჰქონდა ჩაქნეული – როგორც გოგონა ყველაზე, სადღაც, რესტორანში ცოცხალი დალია, მერე ვიღაც ბიჭი გაიცილა, რომლის არც სახელი იცოდა, არც – გვარი... მისგან დორსულდა და შვილიც გააჩინა. ბაბუა შვილიშვილს ყურადღებას აქცევდა, მაგრამ შვილს მუდმივად აყვედრიდა და იმასაც ამბობდნენ, ბაბუა შვილისთვის აბორტის გაკეთებას გეგმავდა, მაგრამ გოგომ თავი გაიგიჟა, მეც მოვკვდებო და გააჩინა. ახლა კი... უფროს ქალიშვილსა და თითოთ საჩვენებელ სიძეს შვილი არ უჩნდებოდა, ბაბუსა მზე და მთვარე უცნობი მამის შვილზე ამოსდიოდა, თუმცა ბავშვს სახელიც თავისი მისცა, გვარიც და არაფერს აკლებდა.

სიძე-სიმამრს გადასარევი ურთერთობა ჰქონდათ და ერთხელ, ისე მოხდა, რომ მივლინებით მოსკოვში ერთად გაემგზავრნენ. საბჭოთა კავშირის დედაქალაქში ჩაფრენის მესამე დღეს, თბილისიდან თავზარდამცემი ამბავი ამცნეს – ახალგაზრდა კაცის ცოლი და შესაბამისად, ასაკოვანი კაცის შვილი გარდაიცვალა. მიზეზი კაცებს, რა თქმა უნდა, არც უკითხავთ, ისე გამოფრინდნენ თბილისში. აეროპორტიდან შინისკენ მიმავალ გზაზე მძღოლმა შეაპარა, მგონი, გამოძიებლებს ეჭვი მკვლევლობაზე აქვთო. კაცებმა ერთმანეთს გადახედეს და უსიტყვოდ მიხვდნენ, რომ არცერთს წარმოადგენა არ ჰქონდა, ვის შეიძლება დასჭირვებოდა ქალის მკვლელობა. მით უმეტეს, თუ სამსახურებრივად რომელიმე მამაკაცთან ჰქონდათ პრობლემა, მოსკოვი ამისთვის საუკეთესო შესაძლებლობა იყო. ახლა კი... ახალგაზრდა კაცის არც ცოლი, არც ცოლის და არ მუშაობდა, სიმამრიც ამბობდა, ქალის საქმე სამხარეულო და ბავშვებიაო ანუ მათ სამსახურებრივად არავინ შეეხებოდა. აი, კაცები... თითქოს, კაცებსაც ყველაფერი დალაგებული ჰქონდათ, ყოველ შემთხვევაში, ასე ჩანდა.

„ქალი მონამლულია შინ დამზადებული სანამლაგით. სანამლაგის ასეთი შემადგენლობა არ იყიდება, არც იშოვება, თუმცა მისი დამზადება სახლის პირობებში, სხვადასხვა პრეპარატის გარკვეული დოზის არევის შემდეგ შეიძლება, შედეგად, მიიღება ძლიერმოქმედი შხამი, რომელსაც არც სუნი აქვს და არც გემო. მან, ვინც ეს შხამი გააკეთა, ძალიან კარგად იცის ქიმიკა და კარგად ერკვევა ნამლების შემადგენლობაში. მეტიც, მას კარგი სამედიცინო განათლება უნდა ჰქონდეს მიღებული“, – ენერა ექიმის დასკვნაში.

გამომძიებლები სხვა მიმართულებით წავიდნენ. როცა არის მკვლელობა, აუცილებლად მოტივია და ვის აწყობდა ქალის სიკვდილი? ყველაზე ნაკლებად მის ქმარს, რომელიც მთლიანად სიმამრის ოჯახზე იყო ჩამოკიდებული და ახლა, როცა ცოლი აღარ ჰყავდა, თან უშვილოც იყო, პრაქტიკულად, ამ ოჯახთან აღარაფერი აკავშირებდა და სიმამრს არათუ სამსახურიდან შეეძლო მისი გამშვება, არამედ, მარტივად შეეძლო იმის თქმაც, რომ ჩემი ქალიშვილის კუთვნილი ბინა დამიცალეო. მართალია, მეგვიდრეობით ბინის მფლობელი ქმარი უნდა ყოფილიყო, მაგრამ თუ სიმამრი მოინდომებდა... ასე მარტივად გამოირიცხა ქმარი მკვლელობის მოსურნეთა სიიდან. სამაგიეროდ, წინა პლანზე დის ინტერესები წამოინია. მას ჰყავდა შვილი, მაგრამ არ ჰყავდა ქმარი და მისი შვილი ყველაფრის ერთადერთი მემკვიდრე ხდებოდა. ნებისმიერი რისკის ფასად, გამომძიებლებს უნდა დაედგინათ, ვინ იყო ბავშვის მამა, რადგან არსებობდა იმის შესაძლებლობაც, რომ ყველაფერი ეს სწორედ ბავშვის უცნობ მამას მოეწყო იმიტომ, რომ ასეთ შემთხვევაში, ყველაფერი სწორედ მას რჩებოდა.

გამომძიებლებმა საკუთარი მოსაზრება გარდაცვლილი გოგონას მამასაც გაუზიარეს და დახმარება სთხოვეს.

ადრე (ეგებ, ახლაც), იყო მოსაზრება, რომ სოფელი გოგო ან ბიჭი უფრო პატიოსანი იყო, ვიდრე – ქალაქში გაზრდილი. პატიოსნებაში ურთიერთობა იფულისხმებოდა, სოფელი ალალია, არ მოგატყუებს, სოფელში სინდის-ნამუსი ჯერ კიდევ შერჩენილია, სიტყვა ფასობს და ა.შ. ხშირად ისმოდა, თუმცა... რეალურად, თუ წესიერია ადამიანი, სოფელშიც და ქალაქშიც ერთნაირად წესიერია და თუ უფარგისი, ერთნაირად უფარგისია ყველგან. ასე დაყოფა და დანაწევრება არც მაშინ იყო სწორი და არც – ახლა. ასევე, წინა თაობის ხალხი იხსენებს, რომ შეძლებული ადამიანები, რომლებსაც მხოლოდ ერთი ქალიშვილი ჰყავდათ (გაგიკვირდებათ და, ასეთი ცოცხალი არ იყო), ცდილობდნენ, სიძედ სოფლიდან ჩამოსული, არაფრის მქონე შეეყვანათ, ესწავლებინათ, როგორც მაშინ ამბობდნენ, კაცად ექციათ და მერე, მთელი ცხოვრება მათგან დავალებული ყოფილიყო. რამდენად ამართლებდა ყველაფერი ეს, სხვა საკითხია, მაგრამ ასეთი შემთხვევები იშვიათი ნამდვილად არ გახლდათ. ბევრი რომ არ გავაგრძელოთ, ისტორიას, რომელსაც ახლა ვამბობთ, სწორედ ასეთი სტარტი ჰქონდა...

სისხლიანი სასიყვარულო ოთხკუთხედი



ტოგტ გააჩინა ქალმა დის ქმრისგან შვილი და ვინ არის უკრაინელი ქალი, რომელმაც საყვარლის ცოლი მთვლა

მის შვილს უნდა გაეხსენებინა რამე მაინც, რაც ძიებას კვალზე დააყენებდა. ძალოვანთა ვერსია კაცს ძალზე სარწმუნოდ ეჩვენა, ამიტომ გოგოსთან მკაცრად დალაპარაკება განიზრახა და თან გამომძიებელიც იახლა. შვილს დაძალება არ დასჭირვებია, მშვიდად გაილიმა და თქვა, რომ მისი შვილის მამა... დის ქმარი იყო. კაცს გულის შეტევა დაემართა და საავადმყოფოში გააქანეს, გოგონა კი დასაკითხად განყოფილებაში გადაიყვანეს.

„ერთ დღეს, მეგობრებთან ერთად დავთვერი, შინ სიძემ წამომიყვანა. გზაზე ჩალიჩი დავინყე, თავიდან ისე, ხუმრობით, მაგრამ მერე და მერე აზარტში შევედი და იმანაც მანქანა გადააყენა. ურთიერთობა მოგვეწონა, ჩუმად შეხვედრები დავინყეთ, ჩემი დის სახლშიც ხშირად მივიდიოდი. მერე დავორსულდი და ამას პანიკა დაეწყო, მამაშენი ცოცხლად გამატყავებსო. ამიტომ, მოვიფიქრეთ ის ლეგენდა, რაც ვთქვით, მაგრამ ერთხელ დამ გამაბრაზა და ვუთხარი ანუ ჩემმა დამ იცოდა, რომ შვილი მისი ქმრისგან მყავდა, მაგრამ იტანდა. იტანდა მხოლოდ იმიტომ, რომ მასაც ჰყავდა საყვარელი“, – მშვიდად თქვა გოგონამ.

მონაყოლმა გამომძიებლები დააბნია. აქეთ, კაცი კვდებოდა გულის შეტევით, იქეთ, გოგონას დის სიკვდილი საერთოდ არ ადარდებდა, ბოლოს და ბოლოს, საყვარელი მამაკაცი მხოლოდ მე დამრჩებოდა... ძალოვნებმა ახლა გარდაცვლილის ქმრის დაკითხვა გადაწყვიტეს. ვერსია, რომ მას მოტივი არ ჰქონდა, გაქარწყლდა, რადგან ცოლის მოშორება და ცოლის დაზე, თანაც შვილის დედაზე დაქორწინება აშკარად მოტივი იყო.

„არ ვარ ასეთი გამბედავი. არ მაპატიებდა სიმამრი. ისევე მარტო გაზრდიდა შვილიშვილს და არც ცოლის მკვლეელი ვიყავი. ვიცოდი თუ არა, ცოლს რომ საყვარელი ჰყავდა? შეიძლება, ვხვდებოდი, მაგრამ, ეგებ, მანყოფი, რადგან ყოველდღიურად არ წამომამახებდა ხოლმე, ჩემს დასთან რომანი გქონდაო“, – განაცხადა დაკავებულმა და... განყოფილებაში დარეკეს, მონამგლის დიაგნოზით, საავადმყოფოში კიდევ ერთი ქალი შეიყვანეს და ეს ქალი სწორედ აღნიშნული საქმის გამომძიებლებისთვის იყო საინტერესო. ქალბატონი, რომელიც ზუსტად იგივე პრეპარატით იყო მონამლული, უკვე გარდაცვლილი ქალის ქმართან ბულალტრად მუშაობდა. ის წარმოშობით უკრაინელი გახლდათ და როცა გამომძიებლები დასაკითხად მივიდნენ, ლამის, დამუზღვენ – მათ წინ საოცარი ქმნილება იწვა. ექიმმა დაკითხვის ნება არ მისცა, ჯერ

გონზეც არ მოსულა და ზოგადად, თუ გადარჩება, დაკითხვაზე მერე ვისაუბროთო. სამართალდამცავებსაც ლოდინის გარდა, სხვა გზა არ ჰქონდათ. პროცესი სამ დღეზე მეტხანს გაინელა და როგორც იქნა, საავადმყოფოდან ნანატრი ზარი გაისმა – ქალი აზრზე მოვიდა და დაკითხვისთვის მზად იყო. სანამ მისი პალატის კარს ისევ შეაღებდნენ, მაძებრებმა უკრაინიდან მიღებული ცნობები გადაამოწმეს და უკვე ზუსტად იცოდნენ, რომ ბულალტრის შესაბამისი კურსი თბილისში ჰქონდა გავლილი, თორემ როცა უკრაინიდან ჩამოვიდა, პროფესიონალი ფარმაცევტი იყო და თანაც, ქიმიის ფაკულტეტის კურსდამთავრებულის წითელი დიპლომიც ჰქონდა.

„უკრაინაში ერთ დღეს დავკარგე ჩემთვის ძვირფასი ადამიანები – დედ-მამა და ძმა ავარიში დაიღუპნენ. ქვეყანაში გაჩერება აღარ მსურდა და საქართველოში წამოვედი. რატომ მაინცდამაინც აქ? იმიტომ, რომ საქართველოზე მუდამ კარგი მესმოდა და რაც მთავარია, ყველა ამბობდა, რომ ქართველ მამაკაცზე ვაჟკაცური ტიპები მსოფლიოში არ არსებობენო. ჰოდა, ასეთი ვაჟკაცური ტიპი გავიცანი, შემიყვარდა, რომანი გავაბი... მისი გულისთვის საბულალტრო კურსებიც დავამთავრე, ფარმაცევტულ საქმიანობას დავემშვიდობე და მასთან ბულალტრად მოვეწყვე. ვიცოდი, რომ ცოლი ჰყავდა და მპირდებოდა, დავშორდებო, ბოლოს მითხრა, მეშინია, მამამისი გამანადგურებსო. ამიტომ გადაწყვიტე კონკურენტის მოშორება, ვუთხარი კიდევ, ვერავინ ვერაფერს გაიგებს-მეთქი. მან იცოდა, რომ ცოლი მაშინ უნდა მოემეკლა, როცა თავად არათუ ქალაქში, საქართველოში არ იქნებოდა. მერე კი... მერე იგივე სანამლაგი გამირია და ჩემი მოშორებაც მოინდომა, მაგრამ ერთი რამ ვერ გაითვალისწინა – როგორც სანამლაგი შევქმენი, ასევე შევქმენი მისი გასანეიტრალებელი საშუალებაც. როგორც კი თავი ცუდად ვიგრძენი, გასანეიტრალებელი საშუალება დავლიე დიდი ოდენობით და გადავრჩი. პასუხისგების არ მეშინია, მაგრამ მინდა ის ნაძირალაც ციხეში წავიდეს, რადგან მის გამო მკვლელობაზე წავედი, ის კი მე მიმეტებდა“, – განაცხადა ქალმა.

რა თქმა უნდა, მამაკაცი დააკავეს და არაფრის დამალვას აზრი არ ჰქონდა. მას იმედი ჰქონდა, რომ შვილის ბაბუა არ გაიმეტებდა, თუმცა ბაბუა კომადან ვერ გამოვიდა. სიძეს კი, მკვლელობის მცდელობისა და მკვლელობაში თანამონაწილეობისთვის, მ წლით თავისუფლების აღკვეთა მიუსაჯეს.

შინაგან საქმეთა სამინისტროს კამპანიის – „ემეგობრე პოლიციას“ დასკვნითი ღონისძიება ქუთაისში გაიმართა



შინაგან საქმეთა სამინისტროს საინფორმაციო-შემცნებითი კამპანიის – „ემეგობრე პოლიციას“ ფარგლებში, კიდევ ერთი, დასკვნითი საზოგადოებრივი ღონისძიება ქუთაისში, დავით აღმაშენებლის სახელობის მოედანზე გაიმართა. კამპანიის ფარგლებში, საინფორმაციო შეხვედრები მოსწავლეებთან წლის ბოლომდე გაგრძელდება.

ქუთაისის ცენტრალურ მოედანზე, სხვადასხვა შემეცნებითი და გასართობი აქტივობა ჩატარდა. ღონისძიებას დაესწრნენ შინაგან საქმეთა სამინისტროს საპატრულო პოლიციის დეპარტამენტის დირექტორი ვაჟა სირაძე, საპატრულო პოლიციის დეპარტამენტის იმერეთის მთავარი სამმართველოს უფროსი ვასილ პეტრიაშვილი, იმერეთის, რაჭა-ლეჩხუმისა და ქვემო სვანეთის პოლიციის დეპარტამენტის დირექტორი ზაზა ცხაკაია, საგანგებო სიტუაციების მართვის სამსახურის უფროსი თეიმურაზ მღებრიშვილი, სახელმწიფო რწმუნებული იმერეთში ზვიად შალამბერიძე, ადგილობრივი თვითმმართველობის წარმომადგენლები, ასევე, შინაგან საქმეთა სამინისტროს დანაყოფების ხელმძღვანელი პირები.

კამპანიის ფარგლებში, ორი თვის განმავლობაში, მთელი ქვეყნის მასშტაბით, სხვადასხვა რეგიონში იმართებოდა საზოგადოებრივი ღონისძიებები, რომლებსაც ათასობით ადამიანი, მათ შორის, მოზარდები სტუმრობდნენ.

ქუთაისში გამართულ ღონისძიებაზე მისულ ყველა სტუმარს საშუალება ჰქონდა, საზოგადოებრივი უსაფრთხოების მართვის ცენტრი „112“-ის, მომსახურების სააგენტოს, საგანგებო სიტუაციების მართვის სამსახურის, საპატრულო პოლიციის, სასაზღვრო პოლიციის, საექსპერტო-კრიმინალისტიკური დეპარტამენტის, დაცვის პოლიციისა და განსაკუთრებულ დავალებათა დეპარტამენტის მიერ წარმოდგენილ სივრცეებში გასცნობოდა აღნიშნული დანაყოფების საქმიანობას, ასევე, შეეძლოთ აღჭურვილობა და სპეცტექნიკა დაეთვალიერებინათ. ღონისძიებაზე მისულ ბავშვებს შესაძლებლობა ჰქონდათ, სამინისტროს წარმომადგენლებთან ერთად, სხვადასხვა შემეცნებითი და გასართობი აქტივობაში ჩართულიყვნენ.

კამპანიის ფარგლებში, საზოგადოებრივი ღონისძიებების პარალელურად, მთელი ქვეყნის მასშტაბით, შინაგან საქმეთა სამინისტროს დანაყოფების წარმომადგენლების 50-მდე ვიზიტი განხორციელდა სხვადასხვა სკოლაში. მოსწავლეებთან საინფორმაციო-შემეცნებითი შეხვედრები წლის ბოლომდე გაგრძელდება. შეხვედრების მიზანია, ბავშვებსა და მოზარდებში შინაგან საქმეთა სამინისტროს საქმიანობის, საზოგადოებრივი უსაფრთხოებისა და მართლწესრიგის შესახებ ცნობიერების ამაღლება.

კახეთის პოლიციამ თბილისში პოლიციელებზე თავდასხმის, ცეცხლსასროლი იარაღისა და ნარკოტიკების უკანონო შექმნა-შენახვის ბრალდებით ერთი პირი დააკავა

შინაგან საქმეთა სამინისტროს კახეთის პოლიციის დეპარტამენტის ახმეტის რაიონული სამმართველოს თანამშრომლებმა, ჩატარებული ოპერატიულ-სამძებრო ღონისძიებებისა და საგამოძიებო მოქმედებების შედეგად, 1983 წელს დაბადებული, წარსულში მრავალჯერ ნასამართლელი ი.ქ. თბილისში დააკავეს.

მას ბრალად ედება ცეცხლსასროლი იარაღის უკანონო შექმნა-შენახვა, ნარკოტიკული საშუალების უკანონო დათესვა-მოყვანა, მცენარე კანაფის უკანონო შენახვა, ასევე, პოლიციის თანამშრომლებზე თავდასხმა.

დანაშაულები 3-დან 7 წლამდე ვადით თავისუფლების აღკვეთას ითვალისწინებს. სამართალდამცველებმა ახმეტაში, მოსამართლის განჩინების საფუძველზე, ბრალდებულის საცხოვრებელ სახლსა და ეზოში არსებულ სათავსოებში ჩატარებული ჩხრეკის შედეგად, ნივთმტკიცებად ამოიღეს: ერთლულიანი გადაჭრილი სანადირო თოფი, ცეცხლსასროლი პისტოლეტის მჭიდი, სხვადასხვა ტიპის ცეცხლსასროლი იარაღისთვის განკუთვნილი 7 ვაზნა, გამომშრალი „მარიხუანა“ და ნარკოტიკული საშუალების შემცველი მცენარე კანაფი.

პოლიციამ მიმალვაში მყოფი ი.ქ., მოსამართლის განჩინების საფუძველზე, ბრალდებულის სახით დააკავა. ბრალდებულმა დაკავებისას, დანის გამოყენებით სცადა პოლიციის თანამშრომლებზე თავდასხმა, რაც სამართალდამცველებმა აღკვეთეს. დანაშაულის ჩადენის იარაღი – დანა ამოღებულია ნივთმტკიცებად.

ცეცხლსასროლი იარაღის მართლსაწინააღმდეგო შექმნა-შენახვის, ნარკოტიკული საშუალების უკანონო დათესვა-მოყვანის, მცენარე კანაფის უკანონო შენახვის, ასევე, პოლიციის თანამშრომლებზე თავდასხმის ფაქტებზე გამოძიება საქართველოს სისხლის სამართლის კოდექსის 236-ე მუხლის მე-3 ნაწილით, 265-ე, 273-ე პრიმა და 353-ე პრიმა მუხლების პირველი ნაწილებით მიმდინარეობს.



შინაგან საქმეთა სამინისტრომ „ქურდულ სამყაროსთან“ კავშირში მყოფი ხუთი პირი დააკავა



მომართვის ბრალდებით არიან დაკავებულნი, ხოლო 1982 წელს დაბადებული დ.მ., 1995 წელს დაბადებული ჩ.გ. (მეტსახელად, „ჩიკო“), 1964 წელს დაბადებული თ.ბ. პოლიციამ „ქურდული სამყაროს“ წევრობისთვის დააკავა.

დანაშაულები 3-დან 10 წლამდე ვადით თავისუფლების აღკვეთას ითვალისწინებს. გამოძიებით დადგინდა, რომ რ.დ.-მ და ლ.მ.-მ არსებული ფინანსური დავის მოსაგვარებლად მიმართეს „ქურდული სამყაროს“ წევრებს – დ.მ.-ს, თ. ბ. და ჩ.გ.-ს. კომპლექსური გამოძიებით კი დადგინდა, რომ ბრალდებულები – „ქურდული სამყაროს“ წევრები – აქტიურად მონაწილეობდნენ დანაშაულებრივ საქმიანობაში და მოქალაქეების მიმართვის საფუძველზე, მოდავე მხარეებს შორის არსებული ფინანსური დავების მოგვარების, სადავო საკითხების „ქურდული წესების“ შესაბამისად განხილვისა და მათი თავიანთ სასარგებლოდ გადაწყვეტის მიზნით, ე.წ. ქურდულ გარჩევებს აწყობდნენ, გადაწყვეტილებების აღსრულებას პირადად აკონტროლებდნენ და მოდავე მხარეებიდან ერთ-ერთს, სადავო თანხის მიტანას აიძულებდნენ.

ბრალდებულმა „ქურდული სამყაროს“ წევრებმა მოდავე მხარეებს შორის არსებული დავის გადაწყვეტის მიზნით, თბილისსა და სამეგრელოში რამდენჯერმე მოაწყვეს ე.წ. ქურდული გარჩევები.

პოლიციამ, ჩატარებული ჩხრეკის შედეგად, ნივთმტკიცებად ამოიღო კომპიუტერული ტექნიკა და ბრალდებულების მობილური ტელეფონები, რომელთა საშუალებითაც ისინი ერთმანეთს უკავშირდებოდნენ. ასევე ნივთმტკიცებად ამოღებულია სხვადასხვა სახის ნარკოტიკული საშუალებები.

„ქურდული სამყაროს“ წევრობისა და „ქურდული სამყაროს“ წევრობის მიმართვის ფაქტზე, გამოძიება საქართველოს სისხლის სამართლის კოდექსის 223-ე პრიმა მუხლის პირველი ნაწილით და 223-ე მეთოხე პრიმა მუხლის პირველი ნაწილით მიმდინარეობს.

პოლიციამ საქართველოს სახელმწიფო საზღვრის უკანონოდ გადაკვეთის მცდელობისა და საზღვარზე მიგრანტის უკანონოდ გადაყვანის ბრალდებით ორი პირი დააკავა

შინაგან საქმეთა სამინისტროს საპატრულო პოლიციის დეპარტამენტის საზღვრის მართვისა და კოორდინირების მთავარი სამმართველოსა და საპატრულო პოლიციის დეპარტამენტის აჭარის მთავარი სამმართველოს საგამოძიებო განყოფილების თანამშრომლებმა, უცხო ქვეყნის ორი მოქალაქე: 1971 წელს დაბადებული ს.ქ. და 1990 წელს დაბადებული ს.პ., სარფის სასაზღვრო-გამშვებ პუნქტში დააკავეს.

დანაშაული 5 წლამდე ვადით თავისუფლების აღკვეთას ითვალისწინებს. ს.ქ. საქართველოს სახელმწიფო საზღვარზე მიგრანტის უკანონოდ გადაყვანის მცდელობის ბრალდებით, ხოლო ს.პ. – საქართველოს სახელმწიფო საზღვრის უკანონოდ გადაკვეთის მცდელობისთვის დააკავეს.

გამოძიებით დადგინდა, რომ ს.ქ. თავისი მართვის ქვეშ არსებული სატვირთო ავტომანქანით ს.პ.-ს სასაზღვრო საკონტროლო-გამტარი პუნქტის გვერდის ავლით, უკანონოდ გადაყვანას ცდილობდა. პოლიციამ ორივე მამაკაცი ბრალდებულის სახით დააკავა. საქართველოს სახელმწიფო საზღვარზე მიგრანტის უკანონოდ გადაყვანის და საქართველოს სახელმწიფო საზღვრის უკანონოდ გადაკვეთის მცდელობის ფაქტებზე გამოძიება საქართველოს სსკ-ის 19-344-ე და 344-ე პრიმა მუხლებით მიმდინარეობს.

კვარაცხელიას ტრავმა, მოპარული მანქანა და დაბრუნებული სახლი



სპორტში ტრავმებისგან დაზღვეული არავინაა და სამწუხაროდ, ტრავმის გამო, იტალიურ კარიერაში, პირველი შეხვედრის გამოტოვება მოუხდა ხვიჩა კვარაცხელიას. „ლივერპულთან“ შეხვედრაში, მან წელის ტრავმა მიიღო და მთავარმა მწვრთნელმა, ლუჩანო სპალეტიმ ბერგამოში, „ატალანტასთან“ სათამაშოდ არ წაიყვანა. თუმცა, ეს არ იყო ის სიახლე, რომელმაც კვარაცხელიასთან მიმართებაში, გასულ კვირას გაიჟღერა. ქართველ შემტევს მანქანა მოპარეს.

ისტორია მაშინ დაიწყო, როცა ხვიჩას შინ მშვიდად ეძინა, მანქანა კი სახლის ეზოში იდგა და ის ქურდებმა ჩუმად გაიყვანეს. მართალია, ავტომობილი მალევე იპოვეს და მფლობელს დაუბრუნეს, მაგრამ ფაქტია, ნეაპოლში მთლად უსაფრთხო სიტუაცია არ არის, რადგან ხვიჩას შემდეგ, მანქანა მის თანაგუნდელს, სამხრეთ კორეელ მცველსაც მოპარეს. ჰოდა, ქართველმა ნახევარმცველმა სახლი დაცალა და საცხოვრებლად იმ სასტუმროში გადავიდა, სადაც თავიდან ცხოვრობდა. ცნობისთვის, კლუბს აქვს ვალდებულება, ფეხბურთელს სახლი დაუქირავოს, მაგრამ როცა ის სახლზე უარს ამბობს, სასტუმროს უფინანსებენ. სასტუმროში კვარა მარტო ამკარად არ იქნება – იმავე სასტუმროში და იმავე სართულზე, სადაც კვარაცხელია იცხოვრებს, „ნაპოლის“ მთავარი მწვრთნელი, მეორე წელია, ოჯახთან ერთად, ლუჩანო სპალეტი ცხოვრობს.

რაც შეეხება ტრავმას, დიდი ალბათობით, ხვიჩა მიმდინარე წელს, კლუბის მიერ ჩასატარებელი ორი შეხვედრიდან, ერთში მაინც ითამაშებს. და ერთიც, არანაკლებ საინტერესო ფაქტი. „ატალანტასთან“ მოგებული მატჩის შემდეგ, პრესკონფერენციაზე, კვარაცხელიას შესახებ, სპალეტის კითხვა დაუსვს.

„მესმის, რომ ჟურნალისტებისთვის სამყარო კვარაცხელიას გარშემო ბრუნავს, მაგრამ ხომ დაინახეთ, რომ მხოლოდ ერთი ფეხბურთელი ვერაფერს წყვეტს. დღეს არ გვყავდა კვარა, მაგრამ საუცხოოდ ითამაშა ელმასმა. მერწმუნეთ, მხოლოდ ერთ ფეხბურთელზე აქცენტის გაკეთება, გასახდელში არავის სიამოვნებს და შეეცადეთ, სხვა ფეხბურთელების მდგომარეობაც გაითვალისწინოთ“, – უპასუხა მან.

ნაკრები მსოფლიოსთვის მზადებას შეუდგა

საქართველოს საკალათბურთო ნაკრებს მსოფლიო ჩემპიონატის საკვალიფიკაციო შეხვედრები ელის. ჯგუფში, ჩვენი ერთ-ერთი მთავარი კონკურენტი ისლანდია და სწორედ ისლანდიელებს ვსტუმრობთ 11 ნოემბერს, რეიკიავიკში. მატჩი, თბილისის დროით, 23.30 საათზე დაიწყება და მას საზოგადოებრივი მაუწყებელი პირდაპირ ეთერში გვანახებს. სამი დღის შემდეგ კი თბილისში, იმავე მსოფლიოს საკვალიფიკაციო ტურნირის ეგიდით, იტალიას ვმასპინძლობთ.

ილიას ზუროსის მთავარი მისია, სწორედ ისლანდიაში გამარჯვებაა და თუ ჩვენი გუნდი ამას მოახერხებს, ჯგუფიდან გასასვლელად დიდ ნაბიჯს გადადგამს. შეგახსენებთ, რომ მოტეხილი მხრის ტრავმა მოიშუშა და ნაკრებს აუცილებლად დაეხმარება კაპიტანი თორნიკე შენგელია. თოკო კლუბში უკვე თამაშობს და ჩვეულ ფორმასაც წელ-წელა უბრუნდება.



ყატარში მსოფლიოს ჩემპიონატი პროტესტის ფონზე დაიწყება



თითებზე დასათვლელი დღეები დარჩა მსოფლიოს 2022 წლის ჩემპიონატამდე და რაც უფრო ახლოვდება მუნდიალის სტარტი, მით უფრო იწვევს დაძაბულობა. საქმე ის გახლავთ, რომ ადამიანის უფლებათა დაცვის მიმართულებით მომუშავე არასამთავრობო ორგანიზაციები, პრაქტიკულად, ყოველ საათში ავრცელებენ ინფორმაციას ახალი გარდაცვლილი მუშის შესახებ. ყატარში ყველაფერი უნდა მოესწროს, ამიტომ სამუშაო გრაფიკიც გამკაცრებულია, თუმცა არის ქალაქები, საიდანაც პაკისტანელები, ნეპალელები და ინდოელები ანუ ძირითადი მუშა-ხელი უბრალოდ გააგდეს. ჰო, გააგდეს, რადგან უთხრეს, რომ ისინი უკვე საჭირო აღარ არიან და ახლა მხოლოდ ქალაქის იერ-სახეს ამახინჯებენ.

გერმანიის ბუნდესლიგის ბოლო ტურში, გულშემატკივრებმა ტრიბუნებზე ბანერები გამოფინეს წარწერით – „15 000 გარდაცვლილი ფეხბურთის 5 760 წუთისთვის“. თან, ეს ისეთი კლუბების გულშემატკივრებმა გააკეთეს, როგორებიც მიუნხენის „ბაიერნი“ და დორტმუნდის „ბორუსია“ არიან. ცნობისთვის, ყატარში მსოფლიოს ჩემპიონატის ჩატარება 2010 წელს გადაწყდა და მას შემდეგ, ქვეყანამ არა მარტო ახალი სტადიონები, არამედ, ახალი ქალაქიც ააშენა, თუმცა ეს ყველაფერი საშინელ ფასად – ოფიციალური სტატისტიკით, მშენებლობებზე, კვირაში, საშუალოდ, 12 მუშა იღუპებოდა.

პიკე: „მივდივარ, რათა დავბრუნდე“

ხერარდ პიკემ კარიერა დაასრულა. მარტივად შეიძლება ითქვას, რომ ამ ფეხბურთელმა ეპოქა შექმნა და რაც მთავარია, შექმნა თავად, საკუთარი შრომითა და ოფლით. „ბარსელონას“ აკადემიაში აღზრდილი ფეხბურთელი, 2004 წელს, კლუბმა „მანჩესტერში“ გაუშვა, სადაც მან იჯარით ორი წელი ითამაშა და... მაშინ, როცა ყველას ეგონა, რომ კლუბი პიკეს დაიბრუნებდა, ის „სარაგოსაში“ გაანათხოვეს და „ბარსელონაში“ მხოლოდ 2008 წელს დაბრუნდა. დაბრუნდა იმისთვის, რომ შეექმნა ეპოქა და კლუბთან ერთად, 30 ტიტული მოეგო. მათ შორის, პიკე რვაჯერ გახდა ესპანეთის ჩემპიონი, შვიდჯერ აღმართა ქვეყნის თასი, ექვსჯერ მოიგო სუპერთასი, სამჯერ ჩემპიონთა ლიგაზე იზეიმა გამარჯვება, ევროპის სუპერლიგასა და მსოფლიოს საკლუბო ჩემპიონატზეც. მან „ბარსელონაში“ 615 მატჩი ჩაატარა და 53 გოლი გაიტანა, ხოლო ესპანეთის ნაკრებში, რომელთან ერთადაც მსოფლიოსა და ევროპის ჩემპიონი გახდა, 102 შეხვედრაში, 5 გოლი შეაგდო.



„მე წავედი, რათა დავბრუნდე. აქ აუცილებლად მოვალ, ოღონდ, სხვა რანგში“, – განაცხადა პიკემ და კიდევ ერთხელ მიანიშნა, რომ ადრე ნათქვამ სურვილზე უარს არ აპირებს და მას კლუბის პრეზიდენტობა სურს.

კიდევ ერთი, არანაკლებ მნიშვნელოვანი ფაქტი – პიკეს წასვლა გამოეხმაურა ლეგენდარული, ყველაფრის მომგები „ბარსელონას“ ყველა ფეხბურთელი, გარდა ლიონელ მესისა. საქმე ის გახლავთ, რომ როცა მესის წასვლა-დარჩენის საკითხი წყდება, პიკემ კლუბის პრეზიდენტს არგენტინელის გაშვება ურჩია, ამით ფინანსური პრობლემები მოგვარდებოდა. ლეო რომ დარჩენილიყო, საჭირო გახდა რამდენიმე ფენხბურთელს ხელფასი გარკვეული პროცენტით შეემცირებინა. ყველამ თანხმობა განაცხადა, გარდა პიკესი – მან კატეგორიული უარი თქვა მესის გამო ხელფასის შემცირებაზე. როგორც ჩანს, ლეოს წყენა ჯერაც არ დავიწყებია.

პრობლემა, სახელად – თავი ტატაში!



ლა აკრძალულია ანუ ტატამს თავით არ უნდა დაერჭო და ზოგადად, არც გვერდულად, მხოლოდ თავით არ უნდა შეეხო. როგორც ძიუდოს მამები ამბობენ, ეს ძიუდოსიტა ჯანმრთელობაზე ზრუნვის გამო მოიგონეს, მაგრამ საქმე ის გახლავთ, რომ სერიოზული ტრავმა ამ კონკრეტული მიზეზით, ვინმეს, შესაძლოა, მთელი კარიერის განმავლობაში ერთხელ, ან საერთოდ არ მიეღო. ეს უფრო იმას ჰგავს, მსაჯების გადასაწყვეტი რომ ხდება, ჩათვალონ თუ არა გდება.

ძიუდოს სამყაროში წესები ლამის ყოველდღურად, ტურნირიდან ტურნირამდე იცვლება. აქამდე, თითქოს პრობლემა არ იყო და ქართველებს ახალ წესებთან შე-

გუება არ უჭირდათ, მაგრამ ახლა სიტუაცია აშკარად ცუდისკენ შეიცვალა. ერთ-ერთი ახალი წესის მიხედვით, ილეთის კეთების დროს, თავით ტატამისკენ წასვ-

ლა, იმას მოგახსენებდით, ქართველებს ამ ახალ წესთან შეგუება ცოტა უჭირთ-თქო. ჯერ იყო და, ლაშა ბექაური, სწორედ ამ ილეთის გამო, მსოფლიოს ჩემპიონატის ნახევარფინალიდან მოხსნეს, ახლა კი, ბაქოს გრანდ-სლემიდან გურამ თუშიშვილი ჩახსნეს. არადა, თუ ბექაური შედარებით ახალგაზრდაა, თუშიშვილს ძალიან დიდი გამოცდილება აქვს და წესით, არ უნდა შეშლოდა. ჩვენი ვარაუდით, არც შეეშალა, რამდენჯერმე ვუყურეთ ილეთს, მაგრამ... გურამის მეტოქე მასპინძელი გამზატხანოვი იყო და ვფიქრობთ, მას მსაჯებმა, უბრალოდ, უფიგურეს.

რაც შეეხება უმუშაოდ ტურნირს, საქართველოს ნაკრების ანგარიშზე ბრინჯაოს ორი მედალი – კვარცხლბეკზე, ლაშა შავდათუაშვილი (-73 კგ.) და ლუკა მაისურაძე (-90 კგ.) ავიდნენ.

ერთი ფოტოს ისტორია

კენტუკის საკალათბურთო გუნდის თამაშზე, უცნაურად ჩაცმული მამაკაცი გამოჩნდა. უფრო ზუსტად, სამუშაო ტანისამოსში გამოწყობილი ჭუჭყიანი მამაკაცი, რომელსაც თან პატარა ბავშვი ახლდა. როგორც შემდეგ გაირკვა, ეს კაცი მაიკლ მაგუაირი იყო, რომელიც შვილს დაპირდა, რომ საყვარელი გუნდის თამაშზე აუცილებლად წაიყვანდა, თუმცა რომ არ დაეგვიანა, სახლში შესვლა და გამოცვლა ვერ მოასწრო და მატჩზე პირდაპირ სამუშაო ფორმით, მტვრიანი მივიდა.



როცა ეს ისტორია კენტუკის თავკაცმა, ჯონ კალიპარიმ გაიგო, მაიკლ მაგუაირსა და მის შვილს, სტადიონზე მთელი წლის მანძილზე დასასწრები, ვიპ-აბონიმენტი აჩუქა.

მშობლებო, ეს ინტერვიუ აუცილებლად წაიკითხეთ!

ელიკა თორთლაძე

ღირსეული ძიძის პოვნის პრობლემა თითქმის ყველა იმ ოჯახში დგას, სადაც ახალშობილი ან პატარა ბავშვია. მშობლები შვილებისთვის სანდო ძიძას ეძებენ. სოციალურ ქსელებშიც არაერთხელ შეგვხვდნენ განცხადებები ამ საკითხზე, თუმცა სანდოა თუ არა ადამიანი, რომელსაც შვილს ვუტოვებთ, ამის გარანტიას მხოლოდ შესაბამისი სააგენტოები გვაძლევენ. ისევე, როგორც ძიძის შერჩევა, მათი დასაქმებაც გარკვეულ სირთულეებთანაა დაკავშირებული. რა უნდა გაითვალისწინონ მშობლებმა ძიძის აყვანის დროს და როგორ შეუქმნან ბავშვებს უსაფრთხო გარემო? – „ვერსია“ თბილისის საოჯახო პერსონალის საკადრო ცენტრ „ბაიას“ დამფუძნებელსა და ხელმძღვანელ შანა შალიკაშვილს ესაუბრა.



როგორ ვიპოვოთ სანდო ძიძა

– რატომ უჭირთ მშობლებს სანდო ძიძის პოვნა?
– ძიძის მიერ ბავშვებზე ფიზიკური ძალადობისა და ოჯახის ძარცვის უკვე ძალიან ბევრი შემთხვევა დაფიქსირდა. ამის გამო, საზოგადოებას ძლიერი შიში გაუჩნდა. სამწუხაროდ, ხშირად მშობლები ძიძებს სხვადასხვა ინტერნეტ-ჯგუფებიდან ირჩევენ, ან ახლობლის რჩევით მიჰყავთ და მათ შესახებ სრულ ინფორმაციას არ ფლობენ. ამის შედეგად კი სხვადასხვა სახის უსიამოვნებასა და გაუგებრობას აწყდებიან. მოძალადე ძიძების 95% სწორედ ამ გზით არიან შერჩეულნი. მშობელს ჩემთვის უთქვამს, რომ ძიძა თავად შეარჩია, მაგრამ კითხვაზე, გადაამოწმა თუ არა კონკრეტული პირის მონაცემები და მოსთხოვა თუ არა პირადობის მონმობის დამადასტურებელი საბუთი, პასუხი უარყოფითი იყო. ვფიქრობ, ეს დაუშვებელია, რადგან სააგენტოსგან დამოუკიდებლად ნაპოვნმა ძიძამ შესაძლოა, რეალური ვინაობაც კი დამალოს. საზოგადოების გარკვეულმა ნაწილმა არ იცის, რომ არსებობს სერვისი, რომლის მეშვეობითაც დარწმუნებული იქნება კვალიფიციური და სანდო კადრის პოვნაში. ჩვენ თავდაუზოგავად ვშრომობთ, რათა ოჯახებს კვალიფიციური და სანდო პირები გავუზღავნოთ. ჩვენ ვზრუნავთ თითოეული ოჯახის ინტერესებზე.

– რა აუცილებელი დოკუმენტები უნდა წარმოადგინოს თქვენთან დასაქმების მსურველმა?

– ნებისმიერ პირს, რომელსაც ამ პოზიციაზე დასაქმების სურვილი აქვს, ვთხოვთ, მოგვანოდოს გამოცდილების დამადასტურებელი ინფორმაციის შემცველი დოკუმენტი, სხვა საჭირო დოკუმენტებთან ერთად, როგორებიცაა პირადობის დამადასტურებელი საბუთი, ცნობა ნასამართლეობის შესახებ, ასევე, რეკომენდაციების ფურცელი და დიპლომი – განათლების შემთხვევაში. ამის შემდგომ მიღებულ ინფორმაციას ვამოწმებთ პირადი მონაცემების, ოჯახის წევრების ვინაობისა და მათი საქმიანობის შესახებ. იმ ოჯახებს კი ამომწურავ და სანდო ინფორმაციას ვაწვდით, რომლებსაც, ბუნებრივია, აინტერესებთ, ვინ მუშაობს მათ შვილებთან.

– რა კრიტერიუმების საფუძველზე ასაქმებს ძიძებს სააგენტო „ბაია“?

– პირველი დაკვირვების საგანი ვიზუალი, ასაკი და საუბრის მანერაა. ყურადღებას ვაქცევთ, რამდენად მონესრიგებულია კონკრეტული პირი და რა გამოცდილება აქვს ამ საქმიანობაში. უტარდებათ ფსიქოლოგიური ტესტი. გასაუბრებებზე ვაკვირდებით, რამდენად ბუნებრივად საუბრობს ადამიანი. მიუხედავად იმისა, რომ ძიძის პოზიციაზე დასაქმების სურვილით ძალიან ბევრი ადამიანი მოდის, ეს იმას არ ნიშნავს, რომ ყველა ძიძა გახდება. შესაძლოა, პირველი ეტაპი წარმატებით გაიარონ, თუმცა მოგვიანებით, სხვადასხვა სახის შეცდომა ვლინდება. მეორე ეტაპზე, ხშირად, ერთი და იგივე პიროვნებას, პირველ ეტაპთან შედარებით, სრულიად განსხვავებულად უსაუბრია, ასევე, გამოუჩენია მცირე დოზით სიზარმაცე, ამგვარი შეცდომების დაფიქსირებისთანავე, დასაქმების მსურველი პირი მიუღებელია

და ვერ საქმდება. რაც შეეხება ბოლო ეტაპს, მომავალი ძიძა ამ ეტაპს უშუალოდ ოჯახში გადის, სადაც აუცილებლად არიან მეთვალყურე პირები, რომლებიც ძიძის ქმედებებს აკვირდებიან. შესაძლოა, სახლში ვიდეო-კამერები იყოს დამონტაჟებული. ამ ეტაპის წარმატებით გავლის შემდგომ, მათ უკვ ოფიციალურად ვასაქმებთ.

– განათლების გათვალისწინებით, რამდენად განსხვავდება კადრების ანაზღაურება ერთმანეთისაგან?

– ყველა ოჯახს განსხვავებული კადრი სჭირდება განათლებისა და გამოცდილების შესაბამისად, ზოგს უმაღლესი განათლების მქონე ძიძა უნდა, ზოგს – საშუალო განათლების, თუმცა კულტურული, ემოციური ინტელექტის მქონე და რაც მთავარია, საკუთარ თავზე მომუშავე ადამიანი. ოჯახის მოთხოვნების შესაბამისად, ანაზღაურებაც სხვადასხვანაირია. ჩვენ ვწყვეტთ, თუ რომელი ადამიანი შეეფერება კონკრეტულ ოჯახს.

– თუ სთხოვთ დასასაქმებელ პირებს, ჩაიტარონ გამოკვლევები სხვადასხვა დაავადებაზე და აიცრან, როგორც გრიპის, ასევე, კორონავირუსის სანინაღმდეგო ვაქცინით?

– ჩვენი მოთხოვნა ყოველთვის იყო და ამჟამადაც არის ჯანმრთელობის დამადასტურებელი საბუთების წარდგენა. მწვავე ეპიდემიის პერიოდში მკაცრი მოთხოვნა იყო, თითოეული მათგანი აცრილიყო. ასევე, მათთვის, რომლებსაც ძიძად მუშაობა სურთ, კოვიდ-ტესტირება დღემდე აუცილებელი პირობაა. რაც შეეხება სხვადასხვა დაავადებას, მომავალმა ძიძებმა გასაუბრებიდან ათი დღის განმავლობაში, უნდა წარმოადგინონ გამოკვლევის პასუხები „ცე“ – ჰეპატიტისა და შიდსის ვირუსზე. მშობლებს კი, რომლებსაც სურვილი აქვთ, აცრან ძიძა სხვადასხვა ინფექციებზე, ხშირად მოჰყავთ ხოლმე სააგენტოში, მათ ვაფინანსებთ და შემდგომ იცრებიან.

– არსებობს თუ არა ტრენინგი ან გადამზადების პროგრამა მათთვის, ვისაც ჯერ არ აქვთ გამოცდილება ამ კუთხით?

– რა თქმა უნდა, სააგენტოს ჰყავს ტრენინგი ბავშვის აღმზრდელად მუშაობით დაინტერესებული პირებისთვის, თუმცა თუ ადამიანს უშუალოდ ძიძის პოზიციაზე არ უმუშავია, მაგრამ უახლოეს წარსულში შვილიშვილი აღზარდა, ან აქვს საბავშვო ბაღში მუშაობის გამოცდილება და როგორც აღვნიშნე, აკმაყოფილებს კრიტერიუმებს საუბრისა და კულტურული ქცევის მანერის, ასევე, ვიზუალის მიხედვით, ვაძლევთ შანსს და ვარეგისტრირებთ. ხდება ისეც, რომ გამოუცდელი ძიძები გამოცდილზე გაცილებით უკეთ ასრულებენ თავის საქმეს. გაზარმაცებული, ათწლიანი გამოცდილების მქონე ძიძებიც შეგვხვდნენ.

– თუ გქონიათ ცუდი გამოცდილება ძიძასთან დაკავშირებით, მომხდარა თუ არა რაიმე გაუთვალისწინებელი და როდესმე თუ დაფიქსირებულა ბავშვის მიმართ უხეში მოპყრობის ფაქტი?

– საბედნიეროდ, ამ მხრივ არ გვქონია მსგავსი შემთხვევა. მხოლოდ ერთ ქალბატონს გამოვარჩევდი, რომელიც ჩვენს ბაზაში იყო, თუმცა სხვა სააგენტოს მიერ დარეგისტრირებული და დასაქმებული გახლდათ. ჩვენს ბაზაში მოხვედრიდან ორი წლის შემდეგ, სააგენტოსაგან დამოუკიდებლად დასაქმდა ერთ-ერთ ოჯახში, სადაც მოგვიანებით, ვიდეო-კამერის ჩანაწერებში, ბავშვის მშობელმა უხეში მოპყრობის ფაქტები შენიშნა. მინდა აღვნიშნო, რომ ძალიან ბევრ ადამიანს, ჩვენი სააგენტოს სახელი გამოუყენებია საკუთარი ინტერესებისთვის და ოჯახის ნდობის მოპოვების მიზნით, ტყუილი უთქვამს, თუმცა მშობლები მაშინვე რეკავენ და ამომწმენ, მართლაც ჩვენს მიერ გაგზავნილია თუ არა იგი. ჩვენ ფხიზლად ვართ, რომ არავინ შეცდეს.

– რა უნდა გაითვალისწინონ და რას ურჩევდით მათ, რომლებიც ძიძის ძებნას ახლა იწყებენ?

– მშობლებს მოუწოდებ, მოერიდონ Facebook-გვერდებზე განცხადებების განთავსებას და არასერიოზული გზებით ძიძის შერჩევას, რადგან ძირითადად, არავინ იცის, ვინ არიან ისინი, რეალურად. ოჯახებს უნდა ეშინოდეთ ისეთი ადამიანების სახლში შეშვების, რომელთა პირადი მონაცემებიც გადაუმონწმებელია, ვისი გამოცდილების შესახებაც არ ფლობენ სრულ ინფორმაციას. სწორედ ამ გზებით არჩეული კადრები სწაღიან დანაშაულს, როგორიცაა ქურდობა, ფიზიკური თუ ფსიქოლოგიური ძალადობა. სააგენტოები იმისთვის მუშაობენ, რომ ოჯახები არ აღმოჩნდნენ მსგავსი ფაქტების წინაშე. მე ყველას ვურჩევ, მიმართონ „ბაიას“ მსგავს ოფიციალურ სააგენტოებს, სადაც კადრები გადიან შესაბამის გასაუბრებებს და მხოლოდ რამდენიმე ეტაპის გავლის შემდგომ იღებენ ამ პოზიციაზე დასაქმების უფლებას. შეიძლება, ოჯახებს ფინანსური მხარე აბრკოლებდეთ, რადგან შემკვეთს მომსახურების საფასურის გადახდა უნევს, მაგრამ აქვე აღვნიშნავ, რომ ჩვენ მაქსიმალურად ვცდილობთ, შელავათიან ფასებში გავუწიოთ მომსახურება მათ. ასევე, მინდა გავაფრთხილო ყველა, რომ დაზღვეულნი არ არიან, სააგენტოს საქმიანობის შესახებ ცრუ ინფორმაციის მიღებისაგან. ის, თუ რამდენად გამართული და სანდოა კონკრეტული სერვისი, სჯობს, თავად დარწმუნდნენ. მშობლები აუცილებლად ადგილზე უნდა მიბრძანდნენ, რათა ნახონ, თუ როგორ მუშაობს ის კონკრეტული სააგენტო, რომელსაც უნდა ენდონ.

„აიფონი“ „როლექსის“ საათით



დიზაინერებმა არაბთა გაერთიანებული საემიროებიდან, უახლესი სმარტფონის – Apple iPhone 14 Pro Max 135-ის ათასდოლარიანი ვერსია შექმნეს, რომელსაც უკანა პანელზე Rolex-ის საათი აქვს. ტელეფონის კორპუსი ტიტანისგანაა დამზადებული შავი PVD-საფარით. გაჯეტი აღჭურვილია ყვითელი ოქროს Rolex Cosmograph Daytona-ით, 40-მილიმეტრიანი დიამეტრითა და 8 ბრილიანტით. საათს სამი დეკორატიული ციფერბლატი აქვს. ეს უნიკალური აიფონი დამზადებულია დინოზავრის 3D-გამოსახულებით, რომელიც თავისი ყვითელი თვალით, თქვენს კონკურენტებს შიშს მოჰგვრის. თვალი სუფთა ქარვისგანაა დამზადებული, – აცხადებენ გაჯეტის ავტორები.

მარადონას უდიდესი პორტრეტი დახატეს



არგენტინის დედაქალაქ ბუენოს-აირესში, ლეგენდარული ფეხბურთელის, დიეგო მარადონას გამოსახულება გაჩნდა, რომელიც მსოფლიოს მასშტაბით ყველაზე დიდია. მხატვარ-მონუმენტალისტის, მარტინ რონის შექმნილმა პორტრეტმა 14-სართულიანი შენობის კედელი დაამშვენა. უზარმაზარი გამოსახულება, რომლის ფართობიც 1600 კვადრატული მეტრია, 1990 წლის მსოფლიო ჩემპიონატის ფინალური მატჩის დროს გადაღებული ფოტოს მიხედვით დაიხატა. მაშინ არგენტინის ნაკრები გერმანიას ხვდებოდა. მხატვარმა და მისმა შვიდმა დამხმარემ პორტრეტის დახატვაზე 800 ლიტრი საღებავი და 25 დღე დახარჯეს.

ოჯახს მოგებულ მილიონებს უმაღლავს



ჩინელმა მამაკაცმა, გვარად ლიმ, ლატარიაში ჯეკპოტი მოიგო, რომლის ოდენობამაც 219 მილიონი იუანი (28 მილიონი დოლარი) შეადგინა. თუმცა, ილბლიანი ჩინელი ამ ფაქტს ოჯახის წევრებს უმაღლავს. მიზეზი ის არის, რომ მამაკაცი შიშობს, ცოლი და შვილი აღარ იმუშავენ. მოგების გადასახადის გადახდის შემდეგ, ლიმ ხუთი მილიონი იუანი ქველმოქმედებისთვის გაიღო. როგორ მოიხმარს დარჩენილ თანხას, ჯერჯერობით, არ გადაუწყვეტია.

ბავშვი თვითმფრინავში გააჩინა



ამერიკელი ქალი, 21 წლის კენდრია როდენი დომინიკის რესპუბლიკაში მიფრინავდა, როცა მოულოდნელად მშობიარობა დაეწყო. ორსულობის 32-ე კვირაში მყოფი როდენი ოჯახთან ერთად სამოგზაუროდ მიემგზავრებოდა. თვითმფრინავის აფრენიდან ნახევარ საათში, 10 ათასი მეტრის სიმაღლეზე, ქალს სამშობიარო ტკივილები დაეწყო. კენდრიას დამაშინვე ეკიპაჟის წევრებს დაუძახა, მათ კი მგზავრებს შორის სამედიცინო განათლების მქონე პირების მოძიება დაიწყო. ბორტზე ასეთი 4 მგზავრი აღმოჩნდა, ისინი ქალს დაეხმარნენ და მან 20 წუთში იმშობიარა. ახალშობილს სკაილენი დაარქვეს.

მშვილდოსანი ბინების წიგნში მოხვდა



დანიელი მშვილდის მტყორცნელი გინესის რეკორდების წიგნში მოხვდა – მან ზედიზედ შვიდი ისარი გააძვრინა გასაღების ჭურჭრუტანაში. რეკორდსმენს ლარს ანდერსენი ჰქვია და როგორც აღმოჩნდა, მისთვის სიახლე არ არის საკუთარი მშვილდისრით მსოფლიო რეკორდების დამყარება. მაგალითად, ანდერსენი ერთადერთი ადამიანია მსოფლიოში, ვისაც შეუძლია ათი ისრის გასროლა სულ რაღაც 4.9 წამში. სულ ცოტა ხნის წინ კი, მან აი, ასეთი რეკორდი დაამყარა – დანიელმა ოსტატმა ზედიზედ შვიდი ისარი გააძვრინა გასაღების ხვრელში, რომლის დიამეტრიც 10 მილიმეტრზე ნაკლები იყო. თანაც, ანდერსენი მიზნიდან საკმაოდ შორს, რამდენიმე ათეულ მეტრში მდებარეობდა. ლარსი ამბობს, რომ ამ შედეგს მან თავდაუზოგავი ვარჯიშების შედეგად მიაღწია.

ნიკოტინის პრეზერვატივები მოწევის გადასაჩვევად




შვედმა სწავლულებმა მოწევისგან თავის დასაღწევად საკმაოდ ექსტრავაგანტული მეთოდი მოიფიქრეს. ნიკოტინის პლასტიკების, სალექი რეზინებისა თუ ელექტრონული სიგარეტის ნაცვლად, ისინი ნიკოტინური პრეზერვატივების გამოყენებას გვთავაზობენ. მკვლევარები ვარაუდობენ, რომ ეს არა მხოლოდ უარს გათქმევენებთ მავნე ჩვევაზე, არამედ, დაგიცავთ სქესობრივი გზით გადამდები დაავადებებისა და დაუგეგმავი ორსულობისგან. სიახლის ავტორების თქმით, პრეზერვატივი ორგანიზმს ნიკოტინის გარკვეულ დოზას მიანვდის. აღსანიშნავია, რომ კომპანია Pharmacia Latex Aktiebolaget-თვის, რომელმაც სიახლე დაამზადა, ეს ექსპერიმენტი პირველი არ არის – ადრე ისინი კოფეინის შემცველ პრეზერვატივებს ყავის მოყვარულებისთვისაც უშვებდნენ.

სკოლაში „უგებით“ მისვლა აკრძალეს



აშში, ქალაქ ფილადელფიის გარეუბანში მდებარე სკოლებში ბავშვებს ლიაცელიანი ფეხსაცმლით, მათ შორის, „უგებით“ მისვლა აკრძალეს. მიზეზი ის არის, რომ მოსწავლეები ასეთ ფეხსაცმელებში მობილურ ტელეფონებს მალავენ. ამ გადაწყვეტილებას წინ უძღოდა სკოლების დირექტორებისა და პედაგოგების უამრავი საჩივარი – ტელეფონები გამუდმებით რეკავენ და გაკვეთილები იშლებოდა. სკოლებში მობილურები აკრძალულია, რის გამოც, ბავშვები მათ „უგების“ მსგავს ფეხსაცმელებში მალავენ. ახლა კი ამას ვეღარ შეძლებენ. ზოგიერთი მშობლის აზრით, გადაწყვეტილება ძალიან მკაცრია. ყველა ბავშვი არ არღვევს წესებს, ეს აკრძალვა კი ყველა მოსწავლეს დააზარალებს, – მიაჩნიათ მათ.

მამას ნოუტბუქი „ბავშვინდა“



ჩინეთის პროვინცია შანდუნში, ორი წლის გოგონამ მამის დახმარება გადაწყვიტა, რომელიც ჭურჭიანი კომპიუტერის გამო წუნუნებდა. ყოჩაღმა გოგომ ნოუტბუქი საპნით გარეცხა. როდესაც ბავშვის დედა სახლში დაბრინდა, აბაზანიდან ხმები შემოესმა. შიგნით შესულმა დაინახა, რომ აქაფებულ, წყლიან ტაშტში კომპიუტერი იდო. აღმოჩნდა, რომ ბავშვმა მოისმინა მამის ნათქვამი, ნოუტბუქში ბევრი ნაგავი დაგროვდა და გასანმენდიაო. გოგონამ ეს ფრაზა პირდაპირი მნიშვნელობით გაიგო და ჩაძინებული მამის დახმარება გადაწყვიტა – სამი წლის წინ, ათას დოლარად შეძენილი „ეფლის“ კომპიუტერი გარეცხა. ბავშვის დედამ გააშრო გარეცხილი ტექნიკა, მაგრამ სამწუხაროდ, წყლის პროცედურების შემდეგ, აღარ ჩაირთო.

კაკალი სასარგებლო ბაქტერიების რაოდენობას ზრდის



ყოველდღიურად ნიგვზის მოხმარება ნაწლავებში ზრდის სასარგებლო ბაქტერიების რაოდენობას, – ასეთ დასკვნამდე მივიდნენ სწავლულები პენსილვანიის უნივერსიტეტიდან. მათ ექსპერიმენტები ჩაატარეს, რომელშიც 30-დან 65 წლამდე ასაკის, ჭარბი წონის მქონე მოხალისეები მონაწილეობდნენ. მათ დიეტაში ნაჯერი ცხიმები შეცვალეს კაკლითა და მცენარეული ცხიმებით. ექვსკვირიანი ექსპერიმენტის შემდეგ გაირკვა, რომ ნიგვზის ყოველდღიური მოხმარება იწვევს სასარგებლო ბაქტერიების რაოდენობის ზრდას ნაწლავებში. დღეში 50-80 გრამი ნიგვზიც კი დადებით გავლენას ახდენს ნაწლავების მიკროფლორაზე, ამცირებს გულის დაავადებების რისკს და ხელს უწყობს ორგანიზმის საერთო გაჯანსაღებას, – აცხადებენ ექსპერტები.

ყავა კანს აახალგაზრდავებს



ბოლოდროინდელი გამოკვლევების მიხედვით, ყოველდღიურად ორი ფინჯანი ყავის დალევა კანის დაბერების პროცესს აფერხებს, რაც სასმელში არსებული ანტიოქსიდანტების წყალობითაა შესაძლებელი. ეს აღმოჩენა სკრენტონის უნივერსიტეტის სწავლულებს ეკუთვნის. მკვლევარები უარყოფდნენ მოსაზრებას, რომლითაც მზე და სუფთა ჰაერი ადამიანის ორგანიზმის ზოგიერთი სახის უჯრედის დაბერებას იწვევს. საკმე ისაა, რომ ჟანგბადი უჯრედის დაშლას პროვოცირებს, ქარს კი შეუძლია კანის დაჭკნობის პროცესი დააჩქაროს. თავის მხრივ, ანტიოქსიდანტები, რომლებსაც ყავა შეიცავს, ჟანგბადის საშიში ფორმების ანუ თავისუფალი რადიკალების ნეიტრალიზებას ახდენს. უნდა აღინიშნოს ისიც, რომ კვლევებმა „ღვთაებრივი სასმელის“ სხვა პოპულარული თვისებებიც აღმოაჩინა. კერძოდ, ყავა თავის ტვინის მუშაობას აუმჯობესებს, რადგან იმ ნაწილზე ზემოქმედებს, რომელიც ყურადღებასა და მეხსიერებაზე პასუხისმგებელი. მეცნიერების თქმით, ყავას შეუძლია, ადამიანს სიბერეში თავიდან ააცილოს მეხსიერების დაკარგვა და დაბნეულობა, შეამციროს დიაბეტის რისკი, ასევე, ღვიძლის ციროზის განვითარების ალბათობა.

უმდიდრესი გარდაცვლილები დაასახელეს



ჟურნალმა „ფორბსმა“ ყველაზე მაღალანაზღაურებადი გარდაცვლილი ცნობილების სია შეადგინა. მასში 13 ადამიანი შევიდა, რომელთა მემკვიდრეობამაც 2021-2022 წლებში ყველაზე მეტი შემოსავალი მოიტანა წლებში. გათვალისწინებული იყო გაყიდვებიდან მიღებული შემოსავალი, სტრუქტურულ-პლატფორმებზე მოსმენები, ასევე, სალიცენზიო გარიგებები. წლევანდელ რეიტინგს სათავეში უდგას „ბექდების მბრძანებლის“ ავტორი, ჯონ ტოლკინი. უკანასკნელი ერთი წლის განმავლობაში, მისი შემოსავალი 500 მილიონი დოლარით გაიზარდა. მეორე ადგილზე გამოცემამ კალათბურთელი კობი ბრაიანტი გაიყვანა, რომელმაც წელიწადში 400 მილიონი „გამომიშავა“. მესამე საფეხურზე აღმოჩნდა ბრიტანელი მუსიკოსი დევიდ ბოუი – მისი შემოსავლები 250 მილიონი დოლარით გაიზარდა. უმდიდრეს გარდაცვლილთა ტოპ-ათეულში შევიდნენ, ასევე, ელვის პრესლი – 110 მილიონი დოლარით, ჯეიმს ბრაუნი – 100 მილიონით, მაიკლ ჯექსონი – 75 მილიონით, კანადელი პოეტი და მომღერალი, ლეონარდ კოენი – 55 მილიონით, ამერიკელი საბავშვო მწერალი, თეოდორ სიუზი – 32 მილიონით, როკ-ჯგუფ Toto-ს დრამერი, ჯეფ პორკარო – 25 მილიონით და მხატვარ-კარიკატურისტი, ჩარლზ შულცი – 24 მილიონით.

ტიტულზე უარი ტურისტების გამო თქვეს




ესპანეთის ყველაზე ლამაზმა სოფელმა სიურანამ ტიტულზე უარი თქვა, რადგან ტურისტების მოზღვავების შეეშინდა. ადგილობრივი ხელისუფლება აცხადებს, რომ ამ პატარა დასახლებაში ისედაც ბევრი სტუმარი ჩადის და მათ კიდევ უფრო დიდ რაოდენობას, უბრალოდ, ვერ გაუმკლავდებიან. სიურანაში სულ 30 მუდმივი მცხოვრებია, ზაფხულობით მათ კიდევ რამდენიმე ადამიანი ემატება. სოფელი კატალონიაში, ტარაგონას პროვინციაში მდებარეობს, ბარსელონადან 140 კილომეტრში. კირქვის კლდეები, რომელიც გარს აკრავს სოფელს, საკმაოდ პოპულარულია ალპინისტებსა და ტურისტებს შორის. გარდა ამისა, აქაურობა ბოლო მუსლიმანური ანკლავი იყო, რომელიც ქრისტიანებმა 1153 წელს აიღეს. ამ მოვლენის აღსანიშნავად, სიურანაში ჯვარი აღმართეს.

მგზავრებს ავტობუსებში სიმღერა აუკრძალეს



კანადის ქალაქ ვინიპეგის ხელისუფლება ახალი აქტის მიღებას აპირებს, რომლის მიხედვითაც, ქალაქის მცხოვრებლებს საზოგადოებრივი ტრანსპორტით მგზავრობისას, სიმღერა აეკრძალებათ. კანონდამღვევი ფულადი ჯარიმით – 100 დოლარით დაისჯება. ახალი აქტი მგზავრებს უკრძალავს სიმღერას, დაკვრას მუსიკალურ ინსტრუმენტებზე ან ნებისმიერი წარმოდგენის შეთავაზებას ნებისმიერ საზოგადოებრივ ტრანსპორტში. ქალაქის მერის თქმით, აკრძალვის ძირითადი მიზანი მგზავრების ზედმეტი ხმაურისგან დაცვაა. ადამიანებს აქვთ უფლება, საზოგადოებრივი ტრანსპორტით სიმშვიდესა და სიჩუმეში იმგზავრონ.

შემშლილ სიკვდილისგან უპილოტოები გვიხსნის



შვეიცარიელმა სწავლულებმა ლოზანას ტექნოლოგიური ინსტიტუტიდან, უპილოტო საფრენი აპარატი შექმნეს, რომლის კონსტრუქციის ნაწილიც საკვებად ვარგისი მასალისგან აწყვეს. მისი მიზანი იმ ადამიანების გადარჩენაა, რომლებიც საგანგებო სიტუაციებში აღმოჩნდებიან – დამატებითი კალორიები მათ მაშველების მისვლამდე გაძლებაში დაეხმარება. აპარატს საჭმელად ვარგისი ფრთები აქვს, რომელიც ბრინჯის ფქვილისგანაა დამზადებული. სპეციალისტების აზრით, ასეთი უპილოტოები ეფექტიანი იქნება იმ ადამიანებისთვის საკვების მისაწოდებლად, სადაც გარკვეული მიზეზების გამო, ჭირს მისი მიღება. ამ მომენტისთვის მკვლევარები მუშაობენ, რაც შეიძლება მეტი არასაკვები მასალა შეცვალონ საკვებად ვარგისით და კონსტრუქციაში წყლისთვის განკუთვნილი რეზერვუარიც ჩაამატონ.

თამაშებით გატაცება დაავადებად აღიარეს



ამიერიდან, ვიდეოთამაშებით გატაცება ოფიციალურად ითვლება დაავადებად. ჯანდაცვის მსოფლიო ორგანიზაციამ დაავადებების განახლებული კლასიფიკაცია საკუთარ საიტზე გამოაქვეყნა. როგორც ამ დოკუმენტიდან ირკვევა, კომპიუტერული თამაშებით ზედმეტად გატაცება ფსიქიკური აშლილობების რიცხვს განეკუთვნება. შესაბამისი დიაგნოზის დასასმელად აუცილებელია, ერთი წლის განმავლობაში, ადამიანს აღენიშნებოდეს „სათამაშო აშლილობის“ ნიშნები, რაც ნეგატიურად აისახება მის სოციალურ, პროფესიულ და ოჯახურ ცხოვრებაზე. დიაგნოზიკი მხოლოდ სწავლებავალილმა პროფესიონალმა მედიკოსმა უნდა დასვას.

ბეჭდის საყიდლად ბანკი გაძარცვა



აშშ-ში, ტენასის ქალაქ გროვტონში, მამაკაცმა საკუთარი ქორწილის წინა დღეს ბანკი იმიტომ გაძარცვა, რომ მომავალი მეუღლისთვის ბეჭედი ეყიდა. ჰიტ ბამპუსი Citizens State Bank-ის შენობაში შეიჭრა და ფული მოითხოვა. მან მოლარე გააფრთხილა, რომ შეიარაღებული იყო. სამართალდამცველების თქმით, ძარცვის შემდეგ ბამპუსმა ტანსაცმელი და იარაღი ავტომანქანის ფანჯრიდან გადაყარა, რომელიც პოლიციამ მალევე იპოვა. გარდა ამისა, ბანკის სათვალთვალო კამერის კადრები სოციალურ ქსელში გამოქვეყნდა, რომელშიც ეჭმითანილი ჩანდა. მამაკაცის საცოლემ კადრებში მომავალი მეუღლე ამოიცნო და მას პოლიციაში მისვლა მოსთხოვა. საბოლოოდ, სიძე სამართალდამცველებს თავად ჩაბარდა. ბამპუსმა ნაძარცვი თანხის დიდი ნაწილი დააბრუნა. ის დააკავეს და ძარცვაში დასდეს ბრალი.

ბავშვს სქესის შეცვლის ნება მისცეს



ხუთი წლის ბრიტანელი ბავშვი ქვეყნის ყველაზე ახალგაზრდა მცხოვრებია, რომელსაც მედიკოსებმა „გენდერული იდენტურობის აშლილობის“ დიაგნოზი დაუსვეს. ზაკ ეივერის დედის თქმით, ის ჩვეულებრივი ბავშვი იყო და ძმასთან ერთად, მანქანებით თამაშობდა, მაგრამ რაღაც მომენტში, პრინციპებიანმა მულტიფილმებმა გაიტაცა, რის შემდეგაც მისი მსოფლმხედველობა მკვეთრად შეიცვალა. სამი წლის ასაკში, ზაკმა დედას განუცხადა, მე გოგო ვარო. თავიდან მშობლებმა იფიქრეს, რომ ეს თამაში იყო და ყურადღება არ მიაქციეს. მაგრამ ბიჭი მოითხოვდა, მისთვის გოგოსავით ჩაეცვათ. როცა ის ფსიქოლოგს მიუყვანეს, მისგან ვერდიქტიც მოისმინეს: „თქვენს ბიჭს გოგოს ტვინი აქვს, სხეული კი – ბიჭის“. როდის აისრულებს ზაკი ოცნებას და გოგოდ გადაიქცევა, ვერჯერებით, არავინ იცის.

ტოკიოში ბამბის ბარი გახსნეს




იაპონიის დედაქალაქის ცენტრში ბარი გაიხსნა, რომელშიც მსურველს შეუძლია, თავი მრთველის როლში მოსინჯოს და ბამბის ქულასგან ძაფი დაამზადოს. დანესებულებაში – Tokyo Cotton Village, ყველა კლიენტს უფასოდ ეძლევა ბამბა და სართავი. მას შეუძლია, იჯდეს კაფეში და რამდენიც უნდა, სცადოს ძაფის დართვა, თან კოქტეილი ან ყავა მიირთვას. ოფისების უამრავი თანამშრომელი, კვირაში რამდენჯერმე შედის ამ დანესებულებაში, რათა სამუშაოსგან დაისვენოს და ამ მედიტაციურ საქმიანობაში ჩაეფლოს. ლამდენიმე წლის წინ, ბარის მფლობელმა ფერმა იყიდა, სადაც ბამბა მოჰყავდათ, მაგრამ მალევე მიხვდა, რომ იაფ იმპორტს ვერ გაუმკლავდებოდა და საკუთარ პროდუქციას ვერ გაყიდდა. ამიტომ, მოიფიქრა, რომ ბამბა საკუთარ ბარში კლიენტების მისაზიდად გამოეყენებინა. ეს გათვლა სწორი აღმოჩნდა და მისი მოლოდინიც გამართლდა – დანესებულებას კლიენტები არ აკლია.

მარწყვს ატმის გემო აქვს



იაპონელი სპეციალისტები დაულაღვად მუშაობენ იმაზე, რომ საკუთარი ნახელავით მსოფლიო კიდევ ერთხელ გააოცონ. ამჯერად, ამომავალი მზის ქვეყანაში ახალი მარწყვი გამოიყვანეს, რომელსაც ატმის გემო აქვს. გარეგნულად ეს ხილი უფრო ღია ფერისაა, ვიდრე ჩვეულებრივი, შიგნიდან კი, პრაქტიკულად, თეთრია. უცნობია, როგორ მიიღწევა უცხო გემოს ეფექტი, მაგრამ მისი ღირებულება საკმაოდ შთამბეჭდავია – ერთი ცალი ასეთი მარწყვის ფასი 11 დოლარია. იაპონური ბაზრის კიდევ ერთი სიახლე კვერცხია, რომელსაც იაპონური ლიმონის – იუძუს არომატი აქვს. აქ დარწმუნებით შეიძლება ითქვას, რომ არავითარ ქიმიას ადგილი არ აქვს. საიდუმლო ქათმების რაციონშია, რომელშიც ეს ლიმონიც შედის. 10 ცალი ასეთი კვერცხის ფასი 4 დოლარზე ცოტა მეტია.

ღეროვან უჯრედებს ახალი მეთოდით მიიღებენ



ჩინეთის მეცნიერებთა აკადემიამ განაცხადა, რომ მათმა სწავლულებმა ღეროვანი უჯრედების გადაპროგრამებისა და ინდუცირებული ღეროვანი უჯრედების ანუ არამემბრიონული მასალისგან მიღების ახალი მეთოდი აღმოაჩინეს. ცოტა ხნის წინ ჩატარებული კვლევები ცხადპყოფს, რომ აუტოფაგია – უჯრედების გენერირების პროცესი არ ასრულებს ისეთ მნიშვნელოვან როლს გადაპროგრამებაში, როგორც ეს ადრე მიაჩნდათ. აუტოფაგია ანუ ურედის მიერ საკუთარი თავის შთანთქმა – ეს უჯრედული კომპონენტების ნაწილობრივი დეგრადირების პროცესია, რაც შიმშილით ან დაზიანებითაა გამოწვეული იმისთვის, რომ შემდგომ დანაკლისს თავი ავარიდოთ. ის უჯრედები, რომლებიც არ დაემორჩილნენ აუტოფაგიას, გაცილებით ეფექტიანად გადაპროგრამირდებიან და მათ ნორმალური თვისებები აქვთ, – აცხადებენ ჩინელი ბიოლოგები.

ვერსია
 მისამართი: ქ.თბილისი, სანკტ-პეტერბურგის ქ. 7.
 UDC(უაპ)070.48.32(479.22)3-387

ღამაგზაგადასახლება და მთავარი რედაქტორი
 მაია ფურცელაძე (599) 62-88-77
 დირექტორი – გიორგი ლომსაძე
 e-mail: versiaprinti@yahoo.com www.versia.ge
 ტელ: +995 32 294 23 99

ISSN 1987-8699

დაცულია საავტორო უფლებები.
 რედაქციაში შემოსული მასალები უკან არ ბრუნდება. სტატიაში მოყვანილ ფაქტებსა და ინფორმაციის სიზუსტეზე პასუხს აგებს ავტორი. პრეტენზიის შემთხვევაში დაგვიკავშირდით 14 დღის განმავლობაში.